


JESU O BOLOKA DIPEELANO

TŠOHLE TŠA GAGWE

 Feleng le eme nakwana feela, gomme re inamiše dihlogo tša rena bakeng sa lentšu ka thapelo. Gomme bjalo ge dihlogo tša rena di inamišitšwe, le dipelo tša rena, ke—ke makala, bjo ka go ba bošego bjo re bo beetšego thoko bjale, go—go ba bošego bja phološo, go tla go Kriste le go amogela Moya wo Mokgethwa, ke a makala ke ba bakae ba nago le kgopelo, gomme ba rata go bolela se, “Morena Modimo, nkgopole. Ke nyaka go loka, le Wena, bjale”? A o ka phagamišetša diatla tša gago godimo? Morena a go šegofatše.

² Tate wa rena wa Magodimong, re leboga kudu Bogona bja Gago, le batho ba dipelo tša go botega bao ka kgonthe ba dumelago gore—gore O a tla, gomme ba—ba swanetše go lokišetša tiragalo ye kgolo ye yeo lefase ka moka le e letetšego, mengwaga yohle ye ye dikete. Gomme re a phela feela, ka ge go be go le bjalo, re šeditše nako le histori e kitimela ntle, gomme Bokagosafelego bo thoma go tla ka gare. Gomme re bona go tšwelela mo, ka fao dipelo tša rena di ruthela ka go se tlwaelege. Gomme re a rapela, Tate, gore O tla puruptšša dipelo tša rena bošego bjo le go re leka. Gomme ge go ka ba sebe se se itšego ka go rena, Morena, se ntšhetše ntle. Re etše hloko beke ye, ka Bogoneng bja Gago bjo bogolo, ge re be re bogetše Wena godimo ga ye, magareng ga phuthego ye, o eya fase le go epollela ntle tšona dikgopolo tša pelo, le go e utolla go rena, go re botša dilo tše. Bjale, bošego bjo, Morena, re nyaka dipelo tša rena go ba therešo le go loka le Wena. Re a rapela gore O tla šegofatša.

³ Mo godimo ga sefala, goba phuluphithi, go beilwe lepokisi la disakatuku, diphasela tše nnyane tšeo di yago go bahloki. Ke a rapela, Tate wa Magodimong, ge—ge di romelwa go tloga lefelong le, moo thapelo e dirilwego, le tumelo go dumela Modimo, gore—gore sakatuku se sengwe le se sengwe mo, lešela le lengwe le le lengwe le lennyane le phasele ye e kgwathago balwetši, a nke ba fodišwe. Ka gore, batheeletši ba le rena, mmogo, re kgopela ka kwano e tee gore O tla ba fodiša, Tate. Ke segopotšo gore re kgopetše. O rile, “Kgopelang gomme le tla amogela. Gomme ge le rapela, dumelang gore le amogela se le se kgopelago.” Ke a dumela, Morena. Rena bohle re a dumela. Gomme e kgopetšwe. Bjale a e dirwe bakeng sa Mmušo wa Modimo, ka gore re e kgopela Leineng la Jesu. Amene.

Le ka dula.

⁴ Gabotse, ka nnete ke mo gobotse go ba morago ka—ka otithoriamong gape bošego bjo, gomme ka tlase ga ditetelo tše kgolo go Morena go re etela bošego bjo, bjalo ka ge re beetše bošego bjo thoko, go tšwa go rapeleleng balwetši, go ya go . . . go nyaka phološo ya disoulo tša rena. Yo mongwe le yo mongwe wa rena o hloka go gafela gape maphelo a rena ka boswa. Gomme beke ye re bone Bogona bja Jesu Kriste, Lengwalo le le hlatsetšwego, Yena thwi mo magareng ga rena, re bogetše se A se dirilego. Dilo tše di swanago A di dirilego lefaseng ge A be a le mo pele, O se dira feela go swana. Bjale, ge re bona ka bodireding ge bo namelela, go no swana le ge re golela go ya ka go letšatši la go phethagala, kereke ya go phethagala. Re thomile ntle . . . Go no swana le—go swana le ge re be re bolela mosong wo.

⁵ Ka kopanelong ya rena ye nnyane ya go ratega, mosong wo, ka nnete re bile le nako ya go makatša go difihlolo tšela. Ke leboga baena ka tirišano ya bona ye kaone. Ke swanetše go šišinya diatla tša ba bantši ba bona, banna ba bakaone ba bao ba thekgilego kopano ye ka tšhelete, go re tliša ka mo. Go . . . Go laetša gore ba na le kgahlego ka go batho ba bona. Ke badiši, gomme ba na le kgahlego ka go dinku tša bona. Gomme kafao ke—ke leboga kudu gore ba bangwe ba ba . . . Modiši yo mongwe le yo mongwe o na le kgahlego go hwetša dinku tša gagwe ka divitamine. Gomme tše ke divitamine tša semoya, bjalo ka ge e bile, yeo—yeo e thušago dinku go golela ka go tumelo ya go tia ka go Modimo wa rena. Gomme ka fao ke—ke leboga banna ba babjalo.

⁶ Gomme bjale, go bolela mosong wo ka kgopolo ya Kereke e gola, le a bona, e etla bjalo ka Peu ka mobung. Gomme Peu yeo, bjalo ka ge e bjalwa, e gola go tloga letagong go ya letagong. Gomme e ba, ka morago ga lebakana, ka go khukhušeng, ka morago e ya morago go peu. Yeo e no swana le Peu ya setlogo ye e bjetšwego. Gomme Kereke e bile bjalo. Lebaka la kereke le thomile, ka go letšatši le la mafelelo . . .

⁷ Ka morago ga mabaka a leswiswi, e thomile ka Martin Luther, ka go tsošološo, a rera tokafatšo ka tumelo. Ka morago ga nako ya gagwe, gomme ba kगतlofatša kereke, ya hwa ntle.

⁸ Ka morago, ka kua, gwa tla Zwingli, ka morago ga Luther. Gomme Zwingli ebile o be a sa dumele ka go tswalo ya kgarebe. O ile godimo ka Switzerland. Le bjale ga ba dumele, ka go thuto ya Zwingli, ga ba dumele gore Jesu o tswetšwe ke kgarebe. Ba rile o be a le morwa wa Josefa, a *bitšwa* Morwa wa Modimo.

⁹ Gomme se tšeela motheo ka moka ntle go tšwa ka fase, motheo ka moka wa Bokriste. O be a tswetšwe ke kgarebe, goba O no ba monna go no swana le wena le nna. O be a le Morwa wa Modimo.

Ka gona, ka morago ga fao, gwa tla Calvin, le go ya pele le pele.

¹⁰ Mafelelong, kereke e tsena ka leemong le le bjalo kua, e ile ya swanelwa ke go ba le tsošološo ye nngwe. Gomme Modimo o rometše John Wesley ka molaetša wa tlhwekišo, go hlweka ga moya. Gomme nako yeo yena le Whitefield, le ba bangwe ba bantši ba bona ba ile pele ka go tsošološo ye kgolo, le Asbury. Ba tlile go United States. Gomme tsošeletšo ye kgolo e phološitše Engelane le lefase, ka nako yeo.

¹¹ Ba dirile eng? Ka morago ge bona bathomi ba hwile ntle, ba thoma go kgatlofatša godimo ga thuto ya bona, gomme, selo sa pele le a tseba, ba dirile mokgatlo. Gomme re bile le ba bangwe ba kgaotše go tloga fao, bjalo ka Alexander Campell, John Smith, le kereke ya Baptist, le go ya pele. Gomme morago Nazarene, Pilgrim Holiness, le ba bang ba tla pele.

¹² Gomme morago gwa tla tsošološo ye kgolo gape, Pentecost, go tšwa go mekgatlo yeo, ka pušetšo ye dimpho; go bolela ka maleme, phodišo Kgethwa. Mehlobo ye megolo le maswao a tla go tšwa. Yeo e ile nako ye telele. E bile masometlhano, e ka ba mengwaga ye masometlhano seswai bjale, ge e sa le Moya wo Mokgethwa o thoma go wa ka Mokgotheng wa kgale wa Azusa ntle ka California. Mo ka go Unites States, mo O thomilego go wa, nako ye kgolo ya tla.

¹³ Morago, Pentecost e dirile eng? Yo motee o mo dirile mokgatlo. Yo motee o rile, “O tla ka pere ye tšhwu”; yo mongwe, “Godimo ga leru le lešweu.” Gomme ba ya kgole, ka mekgatlong, le go arogana godimo, ba roba godimo boena magareng ga batho.

¹⁴ Gomme go no swana le Israele. Bonnyane Israele e be e sa tsebe gore ge ba be ba goeletša phenyo godimo ga lebopo la noka, ba be ba le feela e ka ba leeto la matsatši a mane, e ka ba dimaele tše masomenne, go tloga nageng ya tshepišo. Ba be ba sa lemoge ba be ba le mengwaga ye masomenne, go be go ka ba tšea. Eupša e be ele eng? Mogau o be o ba file moprofeta, Pilara ya Mollo, kwana ye e dirilwego sehlabelo, tokologo. Gomme go le bjalo ba be ba sa nyaka molao. Ba be ba nyaka se sengwe ba bego ba ka kgona go dira ka go sona. Ba nyaka go bea diatla tša bona go wona. Yeo e bile phošo ye kgolo kudukudu ba kilego ba e dira, ka go Ekisodo 19, ge Israele e ganne mogau gomme ya amogela molao.

¹⁵ Gomme ka gona ba dirile eng? O ile a no ba dira go dula thwi kua ka lešokeng mengwaga ye masomenne. Ba bjala dirapa tša merara, gomme ba ja dienywa, le go nyala basadi, le go godiša bana, go fihla leloko lela la kgale le ehwa gomme leloko le lengwe le etla pele. Mengwaga ye masomenne moragorago, gomme e se diiri tše masomenne bokgole, eupša ba swanela go leta mengwaga ye masomenne pele ba eya ka kua. Nako yeo moetapele yo moswa a tla ka gare, Joshua, gomme ba ya pele ka nageng, le sehlopha se seswa.

16 Bjale, ke a nagana ke seswantšho se sebotse kudu mo, se re se hwetšago ntle. Botelele go fetile, ge botatemogolo ka Pentecost, ba tsogetše godimo. Ba bile le Khantshele Kakaretšo ya kgale, go tšwa go yeo ba bopile Assembliles of God. Go tšwa go yeo gwa tla UPC, ka morago United, le go ya pele, go fihla ba eba le mokgatlo ka morago ga mekgatlo, ba kgakgana ba elwa. Modimo o nno ba lesa ba dula thwi fao, ba nyala basadi, ba godiša bana, ba bolela ka maleme, ba goelela ka Moya. Eupša bjale go sehlopha se seswa se tla godimo. Ba be ba le feela matšatši a se makae go tloga go naga ya tshepišo. Ka moka ditšhegofatšo tše ba bilego le tšona e be e le tše kaone. Eupša, elelwang, naga ka moka e be e le ya bona. Bjale re lokišetša go ya ka Nageng ya Tshepišo, kafao a nke Morena a re thuše ge re lebelela godimo ga dilo tše. Le a bona?

17 Go no swana le phiramiti. A le etše hloko ka fao phiramiti e dirilwego? E sego thuto ya phiramiti bjale; feela phiramiti.

18 Lebelelang go pili ya lena ya tolara e tee. Setswalelo sa United States ke ntšhu yela. Gabotse, gobaneng e bolela kua go phiramiti, “Setswalelo se Segolo”? Gobane se ka ba se segolo mo go feta United States le—le setswalelo sa United States; Setswalo se Segolo, leihlo, le šeditše?

19 Gomme le—le leswikaseapešo le le yago godimo ga phiramiti, le be . . . le ile la ganwa. Ga se la ke la ba godimo ga phiramiti, ga le gona go fihla letšatši le; Leswika la Sehlowa, ba a tleleima. Eupša ga se la ke la bewa godimo, leswikaseapešo. Gobaneng? Ge Henoge le bona, ka matšatšing a pele, ba be ba aga diphiramiti tlase ka Egepete, re hwetša ntle, gomme ka kua, ba tsebile gore leswika la sekhutlo, leswikaseapešo, le be le tla ganwa. Gomme phiramiti yela e beilwe ka go phethega mmogo go fihla ba sa hloke leraga. Le be le matlotšwe ka semotšhene ntle bjalo go fihla leswika le tee le lekanela kgahlanong le le lengwe le tee, go kgomagana bjalo, o ka se kgone le go bea bogale bja legare gare ga wona. Bjale, go no tšwelapele go hlatlagana godimo, gomme bjale e sesefala go ya, godimo ntlhoreng, e loketše leswikaseapešo ge le tla tla.

20 Ke ka tsela ye Modimo a tlišitšego Kereke ya Gagwe, go tloga go tokafatšo, tlhwekišo, kolobetšo ya Moya wo Mokgethwa, gomme bjale bodiredi bja Moya e lego se se phedišago Lentšu. Bodiredi ka Kerekeng bo tla swanela go ba feela tlwa go swana le bja Gagwe.

21 Go no swana le wo, ge morithi wa ka mo, wa seatla sa ka . . . Ge ke se ka ke ka bona seatla sa ka, ka bona morithi, ke mohuta wo . . . E ba se sesehla, ge se eya kgole. Eupša ge se batamela kgauswi le kgauswi, kganetšo le kwana di tla mmogo, go fihla bobedi di eba selo sa go swana.

22 Gomme seo ke tlwa ge Kereke le Lentšu di swanetše go ba se tee, go swana le Jesu le Modimo ba be ba le batee, feela tlwa. Ba . . . Modimo o, o be a le ka go Kriste, a boelanya lefase

go Yenamong. Gomme bjalo Kriste o tla swanela ke go ba ka Kerekeng, tlotšo ya Lentšu, go dira se sengwe le se sengwe se phethagatšwe. Gomme leo ke Leswikaseapešo le le tlogo godimo ga lebaka la kereke la mafelelo. E sego Laodikia, bjale. Ke go biletša ka ntle ga leo, Monyalwa ka ntle ga kereke, Kereke ka ntle ga kereke, ka tsela ye nngwe, go no swana le ge A bileditše setšhaba ka ntle ga setšhaba, ka Egepete. Gomme bjale re phela ka go letšatši leo, gomme re leboga dilo tše kgolo tše re bego re di bona.

²³ Bjale, gosasa ka morago ga sekgalela, Morena ge a rata, e ya go ba go tswarelwa ga tirelo ye, karolo ye ya tirelo. Gomme re ya go neela yeo ka go felela go rapelela balwetši. Gomme yo mongwe le yo mongwe a nyakago go rapelelwa a ka tla ntle gomme a hwetša karata ya thapelo, go tla go kgabola mothalo wa thapelo. Bjale, lebaka le re fago dikarata tša thapelo ka tše, ke go ba swara ba dirile mothalo. Gomme ka gona, ge o sa dire, ba no tšwelapele ba feta go dikologa, go dikologa, go dikologa, le a bona. Ba, kafao o . . . Re ba fa karata ya thapelo. O na le karata ya thapelo, gomme o tla ka mothalong. Gomme o tla bona le go dumela, o tla bona letago la Modimo le direga. E tla ba mo gogolo.

²⁴ Gomme bjale re le leboga ka tšohle tše le di dirilego, le ka kamogelo ye kgolo ye re bilego le yona magareng ga banešu badiredi le go ya pele.

²⁵ Bjale, gosasa ke Lamorena, gomme dikereke tše di tla bulwa. Go ka se be le tirelo mo gosasa mosong. Go tla ba sekolo sa Lamorena. Gomme lena baeng . . . Ke na le bagwera ka mo, ka bonna, bao—bao ba nago le rena ka phathing, le ba bangwe ba ba tšwago tlase go tšwa go toropolegae ya ka, mo le rena.

²⁶ Bjale, ba ke banna ba ba thekgago kopano ye ka tšhelete. Ba dumela mohuta wo wa kopano. Ge ke be ke phela mo ka toropongkgolo ye, ke be ke tla ba yo mongwe wa dikereke tša bona. Ka kgonthe ke be ke tla ba, ka gore ba dumela selo sa go swana se ke se dumelago. Gomme ke be ke tla ba yo mongwe wa dikereke tša bona, ge ke be ke dula mo.

²⁷ Gomme lena bao le neetšego bophelo bja lena go Kriste beke ye, gomme ga le ne legae la kereke, le reng le sa bolele go e fetiša le bona? Ba dumela selo se sa go swana, goba ba ka be ba se ba dula godimo mo ba se emetše. Le a bona? Kafao bjale, o—o—o hwetša ye botse e tee ya gago, ya dikereke tše botse tše, gosasa, le go ya go yona. Ke na le nnete ba tla go dira gabotse. Ba tla go thuša. Ba tla go thuša go dumela. Gomme ge o se wa kolobetšwa, ba botšiše. Ge o se wa amogela Moya wo Mokgethwa, ba botšiše ka wona. Gomme ba tla go thuša thwi go kgabola go ya go Kriste, le go go diša thwi go ya pele go theoga tsela go fihla A boa. Bjale, Morena a šegofatše yo mongwe le yo mongwe ya lena.

²⁸ Gomme bjale, le a tseba, Mapresbyterian ka mehla ba emela godimo le go dula fase, ba a bolela. Gomme ga ke

Mopresbyterian. Eupša ke a dumela gore ge re bala Lentšu re swanetše go emelela, ka gore ke tlhompho go Modimo, go emelela. Go no swana le ge re saluta folaga, goba re neela potego, goba eng gape.

²⁹ Gomme bjale, la bošego bjo, ke kgethile palo ye nngwe ya Lengwalo mo, go tšwa go Puku ya Mokgethwa Luka, tema ya 7, go thoma ka temana ya 36.

³⁰ Gomme bjale, beke yohle botelele ke be ke šoma godimo ga—ga kgopolo ye ya go tla go nna, tseleng go tla tlase mo, ka, “Go apolwa ga Modimo yo maatla.” Eupša ge ke feditše, ka lebelela Mangwalo a ka le dilo, ke bile le e nyakile go ba matlakala a masomepedi. Ka fao nka se tsoge ka ya go kgabola ao, e sego ka go iri mo. Kafao ka gopola gore ke swanetše go e fetola bošego bjo, ka fao ke dirile.

³¹ Ke a dumela ke thato ya Morena gore ke bolele dilo tše. Bjale, ka go tema ya 7 ya Mokgethwa Luka, gomme temana ya 36.

. . .yo mongwe wa Bafarisei a kganyoga gore a je le yena. Gomme a ya ka ntlong ya Mofarisei, gomme a dula fase dijong.

Gomme, bonang, mosadi ka toropongkgolo, yo e bego e le modiradibe, ge a tsebile gore Jesu o dutše dijong ka ntlong ya Mofarisei, a tliša lepokisi la setlolo sa alebasetere,

Gomme a ema maotong a gagwe ka morago ga gagwe a lla, gomme a thoma go hlatswa maoto a gagwe ka megokgo, le go a phumula ka meriri ya hlogo ya gagwe, le go atla maoto a gagwe, gomme a a tlotša ka setlolo.

Bjale ge Mofarisei yo a bego a mo laleditše a e bona, a bolela bokagare bja gagwe mong, (elelwang, e sego ntlele kudu), bokagare bja gagwemong, a re, Ge monna yo . . . a ba a le moprofa, a ka be a tsebile gore ke mang le mokgwa wa mosadi yo a mo kgwathilego . . .ka gore ke modiradibe.

Gomme Jesu a araba gomme a re go yena, Simone, ke na le se ke rata go go botša sona. Gomme a re, Mong, bolela.

Go be go le mokolotiwa yo a itšego yo a bego a na le bakoloti ba babedi: gomme ba be ba kolota . . .yo motee o be a kolota mašelang a makgolothano, gomme yo mongwe masometlhano.

Gomme ge ba se ne sa go lefa, ka kgaugelo o ba lebaletšego bobedi bja bona. Kafao mpoše, ke ofe wa bona a tlogo mo rata kudukudu?

Simone a fetola gomme a re, ke a nagana gore yo, a mo lebaletšego kudukudu. Gomme a re go yena, Wena o ahlotše gabotse.

Gomme a retologela go mosadi, gomme a re go Simone, A o bona mosadi yo? Ke tsene ka ntlong ya gago, ga se wa mpha meetse go maoto a ka: eupša yena o hlatswitše maoto a ka ka megokgo, le go a phumula ka meriri ya hlogo ya gagwe.

Gomme wena ga se wa mpha katlo: eupša mosadi yo go tloga nako ye ke e tla ka gare ga se a kgaotše go atla maoto a ka.

Hlogo ya ka ka oli wena ga se wa e tlotša: eupša mosadi yo o tloiditše maoto a ka ka oli.

Kafao Ke re go yena . . . Ke re go wena, Dibe tša gagwe, e bego e le tše ntši, di lebaletšwe; ka gore o ratile kudu: eupša go yo a lebaletšwego bonnyane, wa go swana o ratile bonnyane.

Gomme a re go yena, dibe tša Gago di labeletšwe.

Gomme ba ba bego ba dutše dijong le yena ba thoma go bolela ka bokagare bja bona beng, ke Mang yo gape a lebalelago dibe?

Gomme a re go mosadi, tumelo ya Gago e go phološitše; eya ka khutšo.

³² A re rapeleng.

³³ Morena Jesu, kanegelo ye e diregile mengwaga ye mentši ya go feta. Eupša ke kanegelo ya therešo, ka gore e ngwadilwe ka matlakaleng a Beibele ya rena, gomme re a tseba gore ke therešo. Gomme bjale re se ke ka mokgwa wo mongwe ra leka go swantšha ye gape bošego bjo, eupša re tla rata Wena go re thuša go tliša ye bjalo ka molaetša go batho, gore ba bone gore—gore O sa le wa go swana Morena Jesu. Gomme re rapelela ditšhegofatšo tša Gago godimo ga rena bohle, bjalo ka ge re le batho ba ba hlokago. Re hloka Wena, Morena.

³⁴ Gomme re a dumela, bošego bjo, le ge re bona O dira difofu go go bona, le difowa go kwa, le dihlotša go sepela, gomme—gomme ka ditatamene tša ngaka re Go bone o tsošetša batho ba bahlano go tšwa bahung, ka dinakong tša go fapana, ka ditšhabeng tša go fapana; eupša go le bjalo, Morena, ke a dumela, selo sa go babja kudukudu ke se tsebago bošego bjo ke mmele wa Kriste mo lefaseng, kereke. E a babja ka kgonthe. E fodiše bošego bjo, Morena. Karolo ye e dutšego mo mmogo, se—se sehlopha se etago mo ka—ka Tampa, sehlopha se sa go ratega sa batho, Morena, fodiša ntho ye nngwe le ye nngwe bošego bjo. A nke Moya o fe ye go rena, ka gore re E kgopela Leineng la Jesu, le go tlhompho ya Gagwe le letago la Gagwe, mo ka go toropokgolo ye mo re etago. Amene.

³⁵ Le ka dula. Ge nka e bitša bjale, feela dinakwana di se kae . . . Gomme ka se leke, bošego bjo bongwe le bjo bongwe . . .

36 Ke swanela go le kgopela tshwarelo. Ka gore le bile ba babotse, gomme le batheeletši ba bonolo go ba rerela, go fihla o no se tsebe gore o ka ema neng. Gomme seo se dira modiredi go tseba gore le a ja, goba go amogela Mantšu a ke a bolelago.

37 Ke tla go leka ge ke be . . . ke lapile kudukudu nkilego ka ba, ka gare ga ke tsebe neng. Le a bona, ga se ka ke ka tlogela ge e sa le go tloga Krisemose.

Ke ya go tloga thwi mo go ya Tucson, le go thoma gape.

38 Go tla thwi go tšwa kua, le go ya British Columbia, go ya go kolobetša morafe ka moka wa Maindia wo ke o hlahletšego go Kriste, pele ba be ba le Makatoliki, lehlabula la go feta, ge ke be ke le leetong la go tsoma. Gomme sehlopha ka moka se file pelo ya bona go Kriste, ka phodišo ya mme, yo motee wa bomme. Yoo, dingaka, ga go le e tee, a bego a kgona go mo kgwatha. O be a robotše, a ehwa. Gomme ba nyaka ke bowa morago, ka pela ge aese e tologa. Le a bona, go ba masomeseswai tlhano ka fase ga lefeela kua. Gomme ka fao, gomme aese e tologile, ke a ba tšea, gomme bohle.

39 Sehlopha se segolo sa barei le batsomi, tletlolo le tlase Tseleng lephefo ya Alaska, bohle ba kopana le nna, go kolobetšwa le go amogela Kriste. Ba bone Morena a laetša pono ya selo se sengwe, mo bera ye e itšego e bego e tla ba gona, e be e tla imela bokae, e be e le ya mohuta mang, le fao phoofolo ye e itšego e bego e tla be e dula; ka fao, go be go tla ba mang fao, le se ba tlabego ba se apere, le tšohle ka yona. Gomme ka ba botša pele e direga. Gomme ba re, “Ga se e bile mohuta woo wa dilo ka nageng ye.” Gomme re ile thwi go yona. E diregile, lentšu ka lentšu. Mefapahlogo e lekeletše ka kamoreng ya ka lehono. Le a bona? Ba rile, “Re nyaka go kolobetšwa le rena.” Banna ba makgwakgwa, eupša, le a tseba, O na le peu e robotše mogohle.

40 Sehlogo sa ka bošego bjo ke: *Jesu O Boloka Dipeelano Tšohle Tša Gagwe*. Ke le nyaka le bea seo monaganong ge re bolela. Gomme nka—nka se bolele botelele kudu. Gomme ke le nyaka le o nagana bjale. Elelwang, le swanela go kopana le yo Motee yo a lego gona le rena bošego bjo, letšatši le lengwe.

41 Bjale, e swanetše go ba e bile go wela ga letšatši, ge tulo ya rena e thoma ntle bošego bjo. E swanetše go ba e be e ka ba go wela ga letšatši. Gomme semamathane se kitimile letšatši lohle, mohlomongwe a mabedi goba a mararo matšatši. O be a leka go Mo hwetša. O ile tlase, mohlomongwe, gabotse, go tloga Dane go ya Bereseba.

42 Ka gore, Jesu, ka go bodiredi bja Gagwe, o be a eya. “Go bolela mo,” go dira maswao a Gagwe le dimaka, gomme batho bohle ba be ba kgobokana. O be a tla tloga, felotsoko gape. “Ke swanetše go ya go toropokgolo ye nngwe.”

43 Gomme o bile le nako ye thata. Mohlomongwe o ile Kaperenaume, gomme ba rile, “Gobaneng, O tlogile mo beke ya

go feta. Ga re tsebe tlwa mo A ilego, eupša O ile felotsoko gape.” Gomme o, oo, o be a lapile. Moriri wa gagwe o be o kolobile ka mphufutšo, maoto a gagwe a le lerwele le kudumela, gomme ge a etla godimo ka phathing mo Jesu a bego a bolela.

⁴⁴ Gomme Jesu le yena o be a lapile. O be a bolela letšatši lohle. Molomo wa Gagwe o be o omile, go tšwa go go bolela kudu. Gomme diatla tša Gagwe tša thoma go lebega go roromela, le mahlo a Gagwe a lapile, ge letšatši le thoma go sobela.

Gomme o be a nyaka go bona Jesu. O be a Mo swaretše molaetša.

⁴⁵ Gomme bjale, Jesu o be a ne banna ba lesomepedi go Mo dikologa, bao ba bego ba tloša batho go Yena, ka gore ba be ba ka no tla godimo ga Gagwe. Gomme ka fao ba . . . ke dira se ka terama, gore yo mongwe le yo mongwe a kgona go se swara. Gomme kafao re hwetša gore, ka go se, banna ba Jesu, o swanetše go be a tlile . . . A re re o tlile go Filipi. Gomme Filipi a ka be a boletše se sengwe bjalo ka se, “Mohlomphegi,” goba, “Moisa wa lesogana, ka nnete re be re ka rata go go dumelela go bona Mong, eupša—eupša O lapile kudu. Re, re swanetše go no Mo hlapetša, ka gore O—O no ya go fihla gabotse A ewa. Gomme re be re le dikopanong tše ntši kudu le go ya pele, moragorago, go fihla, ke maswabi, ga ke dumele gore re ka e dira.”

⁴⁶ “Eupša,” a re, “Ke—ke ne noute mo, ye e tšwago go monna yo bohlokwa kudu ka dikgaong tša bodumedi. Gomme ke taletšo go Mong wa gago, yeo e tla bago se segolo—selo se segolo ge—ge A ka ya. Gomme ke swanetše go Mmona. Ka gore, ke romilwe, gore ke swanetše go iša noute ye go Yena, le go bona gore O e hwetša ka sebele.”

⁴⁷ Kafao, mafelelong, ba mo tšeetše godimo go Morena Jesu. Gomme ge A be a sa mo lebeletše, Morena Jesu; mohlomongwe a tlogela lefelo la Gagwe (phuluphiting) go tšwa mo A bego a bolela, moo barutiwa le bona ba bego ba Mo lokišeditše go bolela go tšwa gona. Ge A be a lebeletše, gobaneng, O lebeletše godimo ga lesogana. O swanetše go be a mo ratile.

⁴⁸ Gomme lesogana la Mmotša. O rile, “Ke mo le—le thomong, Mohlomphegi. Gomme go ne monna wa maemo a godimo tlase ka toropokgolo ye e itšego. Gomme ke Mofarisei, bja go kgagamala kudu bja madumedi. Gomme o—o dira ma—ma matena, nako ye kgolo, moletlwana. Gomme o nyaka O tle, go ba moeng wa go hlomphega. Gomme o . . . Ba bantši ba rata go tsenela moletlwana wo, eupša o hlaotše Wena. Gomme ke bile le matšatši a mararo ke leka go Go hwetša, go kgabaganya naga. Gomme ka nnete ke be ke thabile go fihla fa, Mohlomphegi. Gomme ke tla rola noute ye go Wena, go tšwa go yona, le go tšwa go yena.”

⁴⁹ Gomme O tšere noute gomme a e bala. Gomme re hwetša ntle gore Mofarisei yo a itšego yo o bile. . . o be a dira mokete, gomme—gomme o Mo laleditše go tla tlase le go ba moeng wa go

hlomphega le yena. Kafafo, Jesu a ema dinakwana di se kae le go lebelela lesogana.

50 Gomme go le bjalo ka go šila a hlatlegile ka fao A bego a le, eupša o ka se tsoge wa Mo laletša eupša O tla tla. Ga ke tshwenyeye gore seemo ke eng, O tla tla.

51 O rile, “O tla botša wa—wa gago mong gore Ke tla ba fao. Ka letšatši le le itšego le, ka nako ye e itšego ye, Ke tla ba fao.”

52 Gomme semamathane se swanetše go be se ile sa myemyela, a kgotsofetše, gomme sa goma sa tloga, gomme sa kitima go tloga go theoga thaba go tšea ditaba tše botse morago go mong wa gagwe, gore o atlegile go fihliša molaetša go yo Motee yo a bego a mo nyaka.

53 Na molato e be e le eng ka semamathane se? E be e ka kgona go ba bjang? A o be a lemoga se a se dirilego? Lekga la mathomo, mohlomongwe, ka bophelong bja gagwe, mo a kilego a ema ka Bogoneng bja Jesu, gomme a se tsoge e bile a kgopetše te balelo ya dibe tša gagwe. Ga se a tsoge—ga se a tsoge a tšea sebakabotse.

54 Oo, ka fao go swanago ka batho lehono. Makga a mantši ba—ba a lemoga gore ba ka Bogoneng bja Gagwe, gomme—gomme ga ba tsoge ba kgopela te balelo.

55 Gabotse, yoo, yena—yena mohlomongwe ga se a tsoge a fiwa sebakabotse nako ye nngwe, gomme a gana sebakabotse sa gagwe sa mafelelo go kgopela te balelo. O be a ka tsoge a dira bjang seo? Mošemane yo o be a ka kgona bjang go phuthelwa bjang godimo ka go tlišeng molaetša wo go tšwa go mong wa gagwe, gore a paletšwe, ka Bogoneng bja Morwa wa Modimo, go kgopela te balelo? E be yohle e le taba ya kgwebo.

56 Gomme, le a tseba, seo ke se sengwe go swana le batho lehono. Kereke, Kriste, o tlile a ba ta—ta—ta taba ya kgwebo, goba taba ya leago, go tšoena kereke le go tsena feela ka go maemo a leago a kgwebo ya gago goba se sengwe. O ema ntle bokaonekaone ka boagišaneng. Ga se selo sa—sa kgonthe go tla le go sokologa, bjalo ka mo—mo modiradibe a swanetše go dira. Makga a mantši, ka kerekeng, batho ba tlišwa thwi ka Bogoneng bja Kriste, gomme ba retologa go tloga gomme ba dira selo sa phošo bjalo ka ge semamathane se se dirile.

57 Oo, o be a swanetše go be a wele ka matolo a gagwe, gomme ge la mathomo a lemogile gore e be ele Yo a bego a le Yena, gomme o be a re, “Mong, ke na le molaetša wa Gago, eupša, sa mathomo, ke nyaka O ntebelele.” Moo e be e tla ba go batamela ga maleba. Gomme ge go le kgwebo ye nngwe go dirwa, a yeo e dirwe moragorago. Eupša, sa mathomo, a dire soulo ya gagwe mong go loka le Modimo.

58 Ke ka baka le ke nagana kudu phodišo e ba go palelwa, goba go bolela phodišo. Ka gore, lefelo la pele, batho ga ba lokela phodišo. Ba ka se ipolele diphošo tša bona. Beibele e rile,

“Ipoleleng sebe yo motee go ye mongwe, gomme le rapelela yo motee go yo mongwe.” Gomme ga re rate go dira seo. Ge re ka kgona go tšea phodišo gomme ra ya pele, le go ya pele morago le go dira se re bego re se dira, ba tla amogela seo. Eupša ge go etla go nnete, sa mathomo, go tla go loka le Modimo, batho ga ba nyake go dira seo. Gomme ke lebaka leo e lahlegago se—se sekolobiši se sebe godimo ga phodišo Kgethwa. O bona batho ba ba sepelelago ka gare ka mokgwa woo, le go sepelela ntle, gomme ga ba dire. Gomme Modimo o tseba tšohle ka dilo tšeo.

⁵⁹ Bjale, moisa yo o dirile selo sa phoša ka kgonthe, re ka nagana. Re ka nagana, “Ge ke be nka kgona feela go tšea legato la gagwe. Ge nka kgona go ya godimo pele ga Terone ya Gagwe, le—le go tšea molaetša, selo sa pele ke bego nka se dira. . .” O be o ka dira eng, go ba le kgahlego ka go se mokgatlo wa gago o bego o go romile godimo kua go hwetša ntle ka sona? Goba, o be o ka lebelela go dikologa, go bona ka fao Legodimo le bego le kgabišitšwe? Goba, ka Bogoneng bja Gagwe, e be e tla ba selo sa mathomo o bego o tla se bolela, “Morena Modimo, ntebalele, modiradibe”? Seo e be e tla ba selo sa maleba go se dira.

⁶⁰ Bjale, ge Jesu a be a bogetše mošemane, ge a be a tloga, go ka be go tlile ka monaganong wa Gagwe, “Gobaneng mošemane yola a be a sa dire se?” E bile ka gore o be a sa lemoge gore O be a le mang.

⁶¹ A nke ke bolele se, e sego go nyefola. A nke ke bole se, e sego gore ke kopano ye, goba kopano ye e itšego. Eupša ke nagana gore ke se e lego molato lehono. Batho ga ba e lemoge. Ba bona Lengwalo tlwa le tsebagatšwa, eupša ga ba lemoge gore ke Yena mang. Ba tla bona se sengwe, gomme ba re, “Oo, go be go makatša. Go be go le kaone. Ke—ke. . .” Eupša ga o lemoge gore Sona e be e le eng. Ge e be e le, fao go ka be go bile tshokologo e eya pele, go lla le go golola. Toropokgolo e be e tla ba le tsošetššo ye bjalo, go fihla seripa sa lena se be se tla notlelelwa godimo, pele ga moso, yeo ke nnete, ge re ka ba le temogo gore Sona ke eng. Gomme re feta kgauswi, makga a mantši, gomme re foša sebakabotse, ka go se lemoge.

⁶² Ga ke nagane mošemane ka kgonthe o lemogile. O godišeditšwe godimo magareng ga Bafarisei ba, e bego e le mmu—mmu—mmu mmuši yo mogolo, kgošana, goba—goba monna wa bodumedi. Gomme o godišitšwe godimo le yena, le—le—le go no tšea lehlakore la gagwe la bodumedi. Gomme Mofarisei o—o segile Jesu, le go dira metlae ka Yena, goba se sengwe ba se dirilego, bjalo ke ge ba dirile ka letšatši leo. Gomme o ile a no e lahla go tloga; e be e se selo eupša “feela molaetša wa tlwaelo” a bego a swanetše go o rola. O be a nno dula kua. Gomme o be a le ka Bogoneng bja Gagwe, gomme seo ke sohle e bego e le sona go yena. Se be se sa re selo go yena. Eupša ge nkabe a lemogile; ge mošemane yola a ka kgona go tsogetla godimo go tšwa bahung lehono, le go dula ka go kopano ye beke ye, a ka be

a dirile se sengwe ka sona. O be a ka ba le bopaki bjo bo ka bego bo šišintše rena bohle. Eupša o be a sa lemoge.

⁶³ Bjale, lefase la tiragalo mo, go na le se sengwe sa phošo. E no se be . . . Ga se gabotse; ge Jesu a be a bogetše mošemane yoo a eya kgole, a lapile le go kgathala. Eupša, peakanyo ka moka, fao go se sengwe se fošagetše. Bona Bafarisei ba be ba hloile Jesu. Gomme gobaneng ba be ba Mo laletša go ba moeng wa go hlomphega ge ba be ba Mo hloile? Mofarisei yola o bile, bjalo ka seema sa lekempoiara, o be a na le se sengwe godimo matsogong a hempe ya gagwe. O be a na le karata ya boradia ka letsogong la hempe ya gagwe. Ka gore, ba be ba hloile Jesu. Ke a dumela Jesu o ile a lemoga seo, thwi nako yeo. Le a bona, batho ba swanetše go ba le dilo tša go swana.

⁶⁴ Mme wa ka, o be a na le seema, “Dinonyana tša lefofa di turupa mmogo.” Ga o bone, ga o bone dibobodi le maeba di eja mmogo. Di—di . . . Ye tee ke sejamašalela. Gomme leeba ga le kgone go ja dijo tša sebobodi, ka gore ga le ne sabohloko se se itšego. A—a ka se kgone go se šila.

⁶⁵ Gomme o ka se bone badumedi le basedumele mmogo, ntle le ge go le mohuta wo mongwe wa morero ka yona. Go se sengwe—se sengwe se fošagetše. Mothaka yo o ne boradia godimo ga letsogo la gagwe la hempe. O be a nyaka go bo bapala godimo ga Jesu.

⁶⁶ Bjale, tšea batho, go swana le ge o tšea batho ba bafsa, bana ba bafsa ba mahlalagading, ga ba nyake go ba tikologong le batho ba go tšofala, ka gore ba—ba na le dilo tša go swana. Banyalani ba bafsa, ba na le dilo tša go swana. Batho ba go tšofala, ga ba nyake go ba tikologong ya digotlane kudu. Ba—ba na le dilo tša go swana.

⁶⁷ Ge o bona mosetsana yo monnyane a na le makgolo nako yohle, bjale, go na le—go na le se sengwe sa go fošagala fao. Go na le phapano ye kgolo kudu ka go mengwaga ya bona. E ka ba gore ke sebakadišwa sa makgolo, goba makgolo o na le mokotla wa dipompong felotsoko. Le a bona? Fao, fao go—fao go na le baradia felotsoko. Ke na le setlogolo, ka bonna, gomme ke a tseba. Go na le boradia bjo bonnyane felotsoko. Le a bona? Gomme o mmona a le tikologong ya makgolo, makgolo o na le mo—mo mokotla wa dipompong goba se sengwe.

Kafao Mofarisei yo o be a ne se sengwe godimo ga letsogo la hempe ya gagwe.

⁶⁸ Yohle e diregile ka kopanong ya bodiredi mo ba kgobokanego mmogo. Gomme sehlogo se ile sa boledišanwa ka Moisa Yo a ipitšago ka Boyena moprofeta. Gomme ba be ba sa dumele O be a le moprofeta. Ka gore, ba be ba sa kgone go bona monna, yo a bego a sa ye mmogo le bona, thuto yohle ya bona, yo a bego a ka kgona go ba moprofeta. Gomme kafao, ka kopanong ya bona ya badiredi, ba tšere sephetho gore O be a se moprofeta.

69 Gomme Mofarisei yo wa go tšofala o be a eya go e netefatša go bona, gore O be a se moprofeta. Mofarisei o be a eya go—go—go dira nnete, le go laetša phuthego, batho bohle ka toropongkgolo yeo, gore O be a se moprofeta, pele A be a ka etela toropokgolo. O be a se a ke a ba ka toropongkgolo yeo pele. Kafao, pele A etla, o be a eya go Mo senola. Oo, moya woo, o sa phela. Go ya go E senola, go dira se sengwe go šitiša kopano ye A ka bego a bile le yona kua.

70 Kafao re hwetša ntle gore o rile, “Ke tla dira matena, gomme ke tla laletša yo mongwe le yo mongwe, le go hwetša yo mongwe le yo mongwe ka toropongkgolo, go dikologa. Gomme re tla netefatša gore yena ga se moprofeta. Re tla e netefatša.”

71 Kafao, Mofarisei a ka no ba a gopotše seo, ka go dira se, o be a ka—o be a ka be a bile bonnyane . . . mohlomongwe a ba, ka morago ga lebakana, yo motee wa bapotologi, goba se sengwe. O be a ka ba—o be a ka ba . . . O be ka kgonthe a ka dira go itia le sehlopha sa gagwe. O be a eya go dira metlae, moletlwaneng, ka Morena Jesu, go netefatša gore O be a se moprofeta, go Mme ka lefelong felotsoko. Ka gona o be a tla ba moisa yo mogolo magareng ga bona, a ba monna yo mongwe yo mogolo.

72 Bjale, re hwetša ntle gore semamathane se boela morago le go botša mong wa gagwe, “Ke mo hweditše. O tshepišitše. Gomme o tla ba mo, ka gore ke no bolela tsela ye a e dirilego, o—o tla ba mo.” Go lokile.

73 Bjale, Mofarisei o ile a letela nako ye e itšego ye. Gomme ba tsebile gore ba ka dira neng moletlwana wo, ge se sengwe le se sengwe se be se no ba gabotse. Mohlomongwe re tla nagana, ka go terama ya rena ye nnyane bošego bjo, gore—gore o o dirile ka nako ya ge diterebe di be di budule. Ge o kile wa ba ka Palestina ge e le nako ya terebe, goba le California, ge go yona mekgotho ye megolo gagolo ya diterebe e no tšwa madi, e budule, naga ka moka, moedi o nno tlala ka—ka monko wa go nkga bose go tšwa go diterebe tšeo. O tsebile feela gore ke neng go e dira gabotse. Kafao, o beile nako yeo, ka letšatši le le itšego ba be ba tla ba le mokete wo.

74 Go fihla, mafelelong, nako ya tla, e bile ge mokete o be o eya go išwa pele. Gomme o ile a laletša go mongwe le yo mongwe go tla, yo a bego a kgona, go tla godimo, bohle batsebalegi, le yohle mekgatlo, le go ya pele, le tšohle ditlalepa tše di bego di le ka toropongkgolo, tše a bego a le wa tšona. Bohle ba be ba etla ntle go ya gagwe ye kgolo, ye kaone ntlo ya mošate. E be e dutše ntle go phagama, e eme ntle bjalo ka polasakgolo ka kua toropongkgolo. Gomme nako e ile ya fihla gore wo o dirwe. Ka nnete, jarata yohle e be e hlokometšwe, gomme ditafola di beakantšwe, gomme kamora ya moletlwana e lokile.

75 Gomme ka gona, bjale, o ya go hlokomela . . . baeng ba gagwe, ge ba etla. Monggae yo mongwe le yo mongwe o tla dira seo.

Kafao o ile a swanelwa ke go hira bašemane ba setala, ka gore ba bangwe ba benggae ba gagwe ba be ba tla tla- . . . goba ba bangwe ba baeng ba gagwe ba be ba eya go tla ka dikoloi, gomme ba bangwe ba nametše godimo dimoula, ba bangwe ba sepela. Kafao yo mongwe le yo mongwe yo a dirago mo—mo. . . a nago le moletlo, o swanetše go lokiša, go thabiša baeng ba bona. Kafao Mofarisei o bile le se sengwe le se sengwe se nno lokišwa godimo, gomme bohle ba bahlanka ba gagwe, le go ba lokiša, le go ba le bašemane ba setala fao ba bego ba ka kgona go iša dipere, le tšohle dijo le dilo tša tšona.

⁷⁶ Gomme ka gona o be a ne mohlokomela marobalo, goba moletamojako, yo a bego a swanetše go tšea ditaletšo, ka gore o—o be o ka se kgone go tla ntle le ge o be o laleditšwe. Gomme go tšea godimo ditaletšo, o be a ne maina a bona fase, e ka ba mang a bego a eya go ba fao. Gomme ba tla, ba ile ba tsebatša leina la bona, gomme kafao gore ba kgone go tla ka gare.

⁷⁷ Ka gona, a re nong go lebelela seo se, se ba bego ba swanetše go se dira, lebakana. Ke ile ka ba ka bohlabela, gomme mohlomongwe ba bangwe ba lena ba bile le go bogela ka fao ba e dirago. Ka—ka nnete e a ratha. Gomme le ela hloko, ka morago, ge se sengwe le se sengwe se hlokometšwe, ka morago ge ba tsena ka mojako, selo sa pele, mo—mo mohlokamedi wa mojako o botšiša gore ke bona bomang. Gomme ba bolela gore ke bona bomang. O lebelela godimo ga lenaneo la gagwe la maina, gomme šele leina, gomme o a le hlahlofa. Ka morago se a se dirago, o tšea lepara la gagwe, o le bea sekhutlong. Ba—ba bašemane ba tšea dipere, ge e ba a sepela. . . goba ge a le godimo ga pere, o e bea ka setaleng.

⁷⁸ Bjale selo sa go latela a se dirago, o tsena ka holong. Gomme ka mo go na le sehlopha sa—sa banna, se se bitšwago, bahlatswamaoto, banna ba maoto. Ke mošomo wa tefo ya fasefase kudu o lego gona, ke monna wa go hlatswa maoto.

⁷⁹ Gomme go nagana ka wona, rena ba re naganago gore re bosemangmang, gomme Morena wa rena o itsebagaditše ka Boyena, mo lefaseng, bjalo ka monna wa go hlatswa maoto. Seo ke tlwa A se dirilego. Gomme ka gona re nagana gore re bosemangmang. Re tla kitima go tloga mo go ya sekolong go hwetša thuto ye nnyane, le go dira. . . le go ithuta go bolela mantšu a magolo a sego makae. Le go boa morago le go apara su—su sutu ya diaparo, le go sepelela ntle le go nyaka go bitšwa “ngaka, moruti,” goba yo mongwe.

⁸⁰ Ke be ke le godimo ka musiamo wo mogolo e sego telele go fetile, ke lebeletše ye nngwe ya kakanyo ya monna yo a imelago diponto tše lekgolo masometlhano, ke dikhemikhale tše kae di bego di le ka mmeleng wa gagwe. Le a tseba gore ke tše kae ge go yena yohle a e neelwa godimo? O tura disente tše masomeseswai nne. Ka gona o tla bea kefa ya ditolara tše lesome godimo ga

disente tše masomeseswai nne, le paki ya mink ya ditolara tše makgolotlhano, gomme wa šunyetša nko godimo; ge e ena, e tla go nweletša. Gomme ka gona o ya go bapela, o hlokomela disente tšela tše masomeseswai nne, thwi, o nagana gore o semangmang. Gomme ga o fe tlhokomelo, o dira go swana le wona, ka soulo yeo e turago mafase a milione tše lesome. Phapano, phošo, ka fao re ka hwetšago!

⁸¹ Bjale, monna yo wa go hlatswa maoto, o be a swanetše go hlatswa maoto a bona. Bjale, ka go . . . Ge o sepetše ka Palestina, seaparo sa Mopalestina ke seaparo se setelele sa go lepelela. Se lekelela fase. Gomme seaparo sa ka tlase se no tla e ka ba potaneng ya leoto, *mo*, kobo ya ka tlase. Gomme ge di—di diphoofolo le batho ba sepela mohlala wa go swana, diphoofolo, ka nnete, di ya go latela mohlala, gomme—gomme—gomme ge—ge di sepela mohlala wa go swana. Gomme—gomme lerole le tla godimo go tšwa mo diphoofolo di bego le gona, gomme go be go nkgga ka leroleng. Gomme le be le eba godimo ga maoto a bona ge ba be ba fufulelwa. Gomme maoto a bona a be a apešwa diramphašane. Gomme a be wohle a tlala kudumela, gomme—gomme a koloba, a tanya.

⁸² Gomme ka gona monkgo wo go tšwa mo diphoofolo di tšhetšego mohlala, go be . . . Seaparo sa Mapalestina, se swiela bjalo ka sekete, tlase fase, se be se topela lerole le godimo. Gomme le be le fihla ka fase *mo*, le go ba gohle godimo ga maoto a bona le godimo ga tša bona—tša bona ditho. Gomme ka kgonthe ba be ba nkgga bjalo ka wola—wola mohlala mo diphoofolo di bego di le gona. Kafao, go tla ka legaeng go swana le leo Bafarisei bale ba bilego . . . Ba be ba romela ka Persia go hwetša mašela a magolo ale a makaone a magolo, le—le se sengwe le se sengwe. Gobaneng, o be o ka se ikwele go amogelega, go tla gare pele ga monggae, gomme—gomme—gomme nako yeo o nkgga ka mokgwa woo. Kafao ba be ba na le tšela ya go hlokomela seo. Ba be ba ne monna wa go hlatswa maoto, gomme o be a dula fao.

⁸³ Gomme ka pela ge o etla ka gare, gomme leina la gago le be le ngwadišwa. Bašemane ba tšea dipere goba diphoofolo tša gago, gomme ba di tšeela morago go di fepa, sehlopha se setee sa bašemane. Gomme ka gona moletamojako o go tseba ka tšhate ye a bego a na le yona ka seatleng sa gagwe. Gomme nako yeo o loketše monna wa go hlatswa maoto.

⁸⁴ Ka morago o ya ka gare. O bea leoto la gago godimo. O goga go tloša ramphašane, o e bea godimo lefelong, gore a tsebe mo o lego. Gomme ka lehlakoreng le lengwe le, o na le seeta se sennyane. Gomme ka morago ga ge a feditše go hlatswa maoto a gago, a a hlatswitše ohle gabotse ka kgonthe, lerole lohle le se sengwe le se sengwe, a go dirile yo monanana, ka morago o bea godimo se sennyane se, seeta sa lešela se se yago godimo.

⁸⁵ Go swana le ge le bona ka go difofane ge di kgabaganyetša ka kua, go ya mošwamawatle bjale, ba le fa tšona bošego. Ge le . . . Go swana le basadi ba na le dilo tše nnyane tšeo ba di aparago ge ba se ba apara makouse. Ke bona mosadi wa ka le morwedi le bona ba a di hwetša. Nako ye nngwe ba . . . Ke ye nnyane . . . ga—ga tsebe gore ba bitša, tšona eupša e no swana le karolo ya ka fase ye lesokisi, le a tseba, gomme—gomme o e bea godimo ga leoto la gago.

⁸⁶ Ke se sengwe sa mohuta woo, feela se godimodimo gannyane, ka gore ga o nyake go tšea diramphašane tša gago tša kgale tša ditšhila gomme wa sepela godimo ga wona mašela ka kua. Kafao, nako yeo, maoto a gago a hlatswitšwe. Ka morago o hwetša, selo se se latelago se a direga, o rwala putsu ye nnyane ye, ke a e bitša.

⁸⁷ Gomme ka morago selo se se latelago se a direga, fao go monna o eme kua ka toulo godimo ga legetla la gagwe, gomme o swere setlolo ka diatleng tša gagwe. Gomme ke oli ya go ba le senkgamonate. Bjale, mahlasedi a thwi a letšatši lela la Palestina godimo ga molala wa gago, a a go pharola. Gomme selo se sengwe, lerwele lela le topago, dinako tše dingwe le tsena ka maledung a bona le ka moriring wa bona. Gomme monna yo o eme mo, nako yeo, ka setlolo. Gomme o se swarela ntle, ka paneng ye nnyane ye. O se tšeela ka diatleng tša gago gomme o se fogohla ka sefahlegong sa gago, le godimo ga molala wa gago. Ka morago o tšea toulo ye gomme wa se phumula go tloga, gomme wa beakanya moriri wa gago. Bjale dinako tše dingwe . . .

⁸⁸ Se se a hlokwa, ka gore ka kgonthe se go fa mo—mo monko wa go makatša. Ba se hwetša dinako tše ntši go tsela godimo ka dithabeng, sethokgwa sa rosa ye naga. O bona rosa ka morago ga ge dipetale di wele. Ka morago e—e hwetša ye nnyane—ye nnyane apola, go swana, godimo ga yona. Gomme go tšwa fao, ba e šila gomme ba hwetša senkgamonate se. Go thwe mohumagadi wa Borwa, ge a etla go Salomo, o tlišitše bontši bja senkgamonate se sekaone se sa yeo, gomme a se fa Salomo. Ga se hwetšagale; go bothata go ya ka dithabeng.

⁸⁹ Gomme ka gona ge ba phumula se, maledu a bona le go kgabaganya melala ya bona, le ka toulo ye, ba ipeakanya ka bobona, bjale ba loketše go—go kopana le monggae, go kopana le yo a ba laleditšego. Le a bona? Ba be ba ka se ikwe gabotse, go ya ka gare le tšhila yeo yohle. Ka baka leo la go hlatswa maoto. Le a bona? Ba—ba—ba be ba nkgagaampe, gomme ba be ba swanetše go ba le maoto a bona a hlatswitšwe. Gomme ka diramphašane tša bona tša kgale tše kgolo tša go roba godimo ga wona mašela a makaone, ba be ba ka se ikwele gabotse. Ba be ba tla ikwela ba lewa ke hlong. Eupša bjale maoto a gagwe a hlatswitšwe, gomme bjale o beakantšwe gohle. O nkgagaampe ka senkgamonate se se lego godimo ga gagwe, go tšwa go setlolo se, se ba se bitšago “go tlotša dihlogo tša bona ka oli,” le go e fogohletša godimo ga difahlego

tša bona, ka morago ba e phumula ka toulo. Bjale o dirilwe yo monanana.

⁹⁰ Bjale, selo sa go latela a se dirago, o kopana le monggae wa gagwe, yo motee yo a mo leleditšego. O ikwela go kopana le yena. Bjale, o be a ka sa ikwele go kopana le yena, a apere tšhila yeo yohle, kafao o beakantšwe gohle godimo le go loka bjale.

⁹¹ Nako yeo monggae o kopana le yena mojako, gomme ba na le tsela ya go se tlwaelege kudu. Gomme e sa le ka go dikereke tše dingwe, go dumediša ka katlo. Kafao ba tšea seatla, go kgabaganya ka tsela *ye*, ba gokarana, banna, ka—ka matsogo a bona go dikologa yo motee go yo mongwe, ka mokgwa *wo*, gomme ba atlana seng sa bona molaleng. Gomme ka gona ge monggae a go atla, o amogetšwe. Yeo ke katlo ya go amogela. Bjale, o be o ka se nyake monggae wa gago go go atla le yohle tšhila le dilo godimo—godimo ga gago, kafao o swanetše go hlwekišwa godimo pele o atlwa go amogelwa. Eupša, oo, ge gatee o atlilwe go amogelwa, o ngwanešu wa go tlala. Yeo ke phetho. O ka kgona, lehono, selo se nnoši o ka kgonago go se dira, go swana le lehono, o tla ya ka ntlong, gomme o ikwela ka gae. O yo motee wa bona. O go atlile go go amogela.

⁹² Le a elelwa Judase a atla Jesu, le a bona, ka boikaketši? Le a bona? Ka gore, ge a mo atlile, e be e le kamogelo. E be e le katlo ya mogwera, e sego ka dipounameng, eupša godimo ga molala, o ba atlile godimo ga molala.

⁹³ Bjale, re ela hloko nako yeo, gore o be o ka kgona go ya ka gare. Ge o be o nyaka go ya setšidifatšing, e tla ba lehono, le go hwetša sangwetše ye kgolo, le go robala mpeteng le go e ja, go no itira ka bowena go ba gae. “O amogetšwe. E tla ka gare.” Ke gore, o gohle gabotse bjale. O no ikwela yo mongwe wa lapa bjale, ka gore o ka gare.

⁹⁴ Bjale, o hwetša tšohle tše di dirilwe, le go lotšwa, le go lokišwa godimo. O atlilwe go amogelwa. Gomme nako yeo o tsena ka gare, o šišinya diatla, nako yeo, ka moletlwaneng. O kopana le bagwera ba gago. Monggae o go atlile, ka gare, gomme ka fao o—o lokologile bjale. O no ikwela gore o yo mongwe wa bona. O laleditšwe. O hlwekišitšwe. O atlilwe go amogelwa, gomme bjale o yo mongwe wa bona. Eya ka gare le go ba le kopanelo ya gago.

⁹⁵ Bjale, e ka ba ka nako ye, ke a eleletša kwana yela e bego e gadikega ntle ka moleteng wa go šimela ka morago, e be e no nka gohle tikologong godimo ka nageng, le tšona diterebe le dilo. O ka eleletša batho ba go diila ba eme go dikologa legora, molomo wa bona o etšwa meetse. Ba be ba se ba laletšwa ka gare; feela batsebalegi, go wo. Kafao mo—mo mokete bjale nkgankga e be eja nkgawane. Se sengwe le se sengwe se ya mmogo gabotse; ka botlalo, e ja nkgawane.

⁹⁶ Bjale, ke eleletša Mofarisei le ba gagwe, bagwera ba gagwe bohle, ba thulanya galase, yo motee go yo mongwe, ba tšea go

nwa mo gabotse ga go phelega, gomme ya beine ye kaonekaone e bego e le gona ka Palestina ka nako. Ka gore, ba be ba humile, ba be ba e kgona. Gomme ba, yo mongwe le yo mongwe, basadi, basadi ba bona ba dibenyane tše kaone, ba be ba le godimo ka sekhutlong, ba na le kopanelo ya bona, ba dutše go dikologa godimo ga disofa le go ya pele, bjalo ka ge setlwaedi se be se le ka letšatšing leo. Gomme banna, bohle godimo ba na le dithousete tša bona, le go bolela, gomme baprista, le borabi bohle, le se sengwe le sengwe, ba na le nako ye kgolo. Gomme mo—mo—mo mokete o ya gabotse ka tsela.

⁹⁷ Gomme ka gona Jesu, le ge a be le matasatasa bjalo ke ge A be a le, gomme peakanyo ya Gagwe ya matasatasa, ka mehla O boloka peelano ya Gagwe. O ka kgona go ithekga ka seo. O boloka peelano ya Gagwe.

⁹⁸ Bjale a re lebeleleng ka kamoreng gomme re bone se se diregago. Ke kgona go bona Mofarisei godimo kua a thulanya galase ya gagwe gomme a re, “Rabi, o a tseba ke eng?” Gomme poledišano ye kgolo e eya pele, banna ba kgwebo ba bolela ka kgwebo ya bona le se sengwe le se sengwe. Moletlwana o ka go—moletlwana o ka go nkgga e ja nkgwane bjale, mokete wo mogolo wo.

⁹⁹ Eupša, lebelelang, go be go dutše go ithekga ka lebotu, a sa lemogwe, e be e le Jesu. O be a bolokile peelano ya Gagwe. O tlile. Ka mehla O boloka Lentšu la Gagwe. Tšohle ditshepišo tša Gagwe, O a di phethagatša. Eupša Mo eleng hloko. O dutše godimo kua, o ne ditšhila. Ke hloya go bolela seo. Go a mpolaya go se bolela. Eupša, maoto a Gagwe a be a le ditšhila. O be a se a tlotšwa. O be a se a atliwa go amogelwa, le ge A be a laleditšwe.

¹⁰⁰ Go swana le tše dingwe tša ditsošetšo tša rena tša sebjalebja. Banna ba Mafora ba Mmitša, “Jésu, Jésus ka maoto a ditšhila.” A o ka kgona go e eleletša? O be a laleditšwe gomme O tlile. Gomme šole Yena, gomme o tsene ka gare ka tsela ye nngwe, gomme ga se a lemogwa. A dula godimo bjalo ka letšoba la lebotu. O be a no ba kudu ntle ga lefelo fao, O, ka go tše dingwe tša ditsošetšo tša rena tša sebjalebja, meletlwana, ye e bitšwago dikgobokano tša bodumedi.

¹⁰¹ O be a le ka ntle ga lefelo. Ga go yo a bego a neela šedi ye e itšego go Yena. Ba be ba le matasatasa ka dilo tše dingwe, le ge A be a laleditšwe. Eupša, O be a se a amogelwa ge A etla.

¹⁰² Go diregile eng ka monna yola wa go hlatswa maoto? O ile a loba sebakabotse seo bjang? Ke duma ge nka be ke bile le sebakabotse sa gagwe. Oo, nna! Ge ke be ke tsebile gore O be a etla, nkabe ke be ke eme kua ke Mo letetše. Ke be—ke be ke tla e lokela. O e dirile bjang? Bjale, a re se ke ra mo ahlola kudu, ka gore re ka no dira selo sa go swana gomme ra se se tsebe. Le a bona? O Mo fošitše. Oo, nna!

103 Elang hloko, O a tla lehono go dipitšo tša rena, le rena. O tla magareng ga rena. Ga ke nyake go bolela se, eupša ke swanetše go se bolela. Gomme ka magareng ga rena, O kwešišwa magareng ga rena, o dutše fale o no ba ditšhila, go batho, bjalo ka ge A bile nako yeo, yeo ke therešo tlwa, ba Mmitša “mopshikologi mokgethwa” le se sengwe le se sengwe gape. Le ge go le bjalo re llela tsošetšō. Gomme O a tla. Gomme ge A etla, re Mo dira e ka ba ka mo ba dirilego nako yeo.

104 Yo mongwe o phagametše godimo ka Moyeng wa Modimo, a goeletša “amene,” goba a goelesa, goba se sengwe go swana le seo, ge Jesu a direga go feta kgauswi. Gobaneng, o . . . Bona ba mmeile ka ntle ga kereke. Gabotse, ba nagana gore ke dihlong tša go šiiša, go nyenyefatša kereke, go nyenyefatša batho. Ge, ke Jesu ka Boyena a feta kgauswi.

105 Gomme re ka kgona go Mmona a etla gomme a tsebagatša Lentšu la Gagwe, le go dira feela go swana le ge A dirile nako yeo, gomme lehono ba re, “Ke go bolelela mahlatse, go bala mogopolo, goba moya wo mongwe wo mobe.” Pele ga batho, O no ba ditšhila go no swana le ge A be a dutše fale: Jēsu, Lentšu la Modimo. Gomme ga re dire selo ka lona. Re kgahlega kudu ka go mokgatlo wa rena goba bja rena—bja rena boemo bja leago. Re dihlong go bitšwa ka Leina la Gagwe. Gabotse re dihlong ka Yena.

106 Ba be ba ne dihlong ka Yena ka gore O be a le ditšhila. Baeng ba be sa Mo tsebe. Gomme ba be ba ne dihlong ka Yena ka gore O be a le ditšhila.

107 Yeo ke tsela ye e lego lehono. Ba sa ne dihlong ka Yena, ka gore ba pakela tšhila yohle ye ba ka kgonago godimo ga Lona, ba le bitša “bapshikologi bakgethwa” le se sengwe le se sengwe gape ba ka naganago ka sona. Ga go yo a dirago selo ka lona. Šole O dutše, maoto a ditšhila, leboto la matšoba phathing, leboto la matšoba kopanong ya bodumedi. A laleditšwe, re Mo kgopela go tla tsošetšōng. Ge A etla, re Mo swara ka tsela ya go swana ba dirilego kua. O tlile, gomme a itsebiša ka Boyena, eupša ga go yo a nyakago selo go dira ka Yena.

108 “Ge A be a ka goga mohuta wo mongwe wa mantladima, goba—goba—goba a dira mohuta wo mongwe wa—wa mohlolo.” Go swana le ge A dirile pele ga Pilato. . . Pilato, sebakabotse sa gagwe se nnoši a kilego a ba naso, gomme a Mo kgopela, o be a nyaka go bona se sengwe se dirwa, o be a nyaka, “A re bone leswao le lengwe.” O swanetše go ka be a sokologile.

109 Ke seo le lešoro le, lefase la go tlemelwa hele le swanetšego go se dira bošego bjo, ke go sokologa dibeng tša bona. Seo ke se maloko a a kereke a swanetšego go se dira, go sokologa go go se dumele ga bona. Ba Mo emela godimo. O a swana maabane, lehono, le go ya go ile. Gomme O itsebagatša ka Boyena go no swana le ge A dirile nako yeo. Gomme batho lehono ba tšea mokgwatetelo wa go swana bjalo ka ge Mofarisei yola a o tšere,

mohuta wa go swana wa mokgwatetelo; ba Mo dira a dule, ka morago ga go Mo laletša. Go le bjalo, ga ba Mo nyake. Ba no e dira, go swana le, bakeng sa mekgwa. O a e tseba.

¹¹⁰ Re dirile go Yena, lehono, go no swana le ge ba dirile nako yeo; go na le go Mo hlatswa, go hlatswa (ya Gagwe) go tloša kgobogo, go na le go leka go emela godimo, gore, “Le fošitše. Ke Lentšu la Modimo le dirwa go bonala. Ke se A se tshepišitšego. O boletše gore O tla tšhollela Moya ntle ka matšatšing a mafelelo. Re phela ka matšatšing a mafelelo.” Go na le seo, re no ba mokgwa wa go dula morago go swana le ge ba dirile. Re boifa go tšea go ema.

¹¹¹ Go ka reng ge o motee wa bona a be a phagamela godimo gomme a re, “Yoo ke Jesu wa Nasaretha. Ke a dumela Ke Moprofeta wa Modimo”? Le tseba lebaka le ba sa e dirago? Ka gore ba be ba sa dumele go re O be a le moprofeta.

¹¹² Gomme ga ba dire, lehono. Ba nagana gore Ke morutiši. Ba nagana gore Ke kereke ya leina. Ga ba tsebe gore O sa le moprofeta. Ke se ba bilego le Yena tlase kua, ka potšišo. Ke selo sa go swana A lego potšišo ka sona lehono. Ga go yo a loketšego go Mo tšeela godimo. Ba no re, “Gabotse, ga ke na le selo go dira le Yena. Le a bona? Ke nna wa kereke. Badiša ba ka šebale, bohle ba bona, ba dutše go dikologa mo. Ke nna motho wa go loka.” Gomme Jésu ka maoto a ditšhila; ga go yo a hlokomelago. Yona Beibele. . .

¹¹³ Bjale re sepelela godimo le go šišinya diatla, re bea leina la rena godimo ga puku. Gomme ma—ma Mamethodist, ge ba sa re nyake, re tla tšeela godimo go Mabaptist. Ba re ragela ntle, re tla ya go Manazarene. Maoneness ba re ragela ntle, ra ya go Matwoneess. Matwoneess ba re ragela ka ntle, re ya go Mathreeness. Ga ra swanela go bea godimo le selo sa yona. Bohle ke dikgokgorothwana. Yeo e no ba tsela ye e swanago. Re. . .

¹¹⁴ Gomme ge Jesu a etla, ga re lemoge. Ga re tshwenyege. Ke ka tsela ye ba dirago. Gomme go le bjalo re a lla, “Etle, Morena Jesu. Etle, Morena Jesu.” Gomme O a tla. Gomme re dira eng? Selo sa go swana ba se dirilego. Gobaneng? Ge ba bolela eng kapa eng, Le amogele, yo mongwe gape godimo mo o tla dira metlae ka bona. Gomme ba Mo tlogela a dutše, a le ditšhila. O bitšwa “moya wo mobe.”

¹¹⁵ Le a elelwa, Jesu o ba boditše, letšatši le lengwe, ge ba rile, “Monna yo o dira se ka Beletsebubu,” O rile, “Le bolela seo kgahlanong le Nna, se tla lebalelwa. Eupša letšatši le lengwe Moya wo Mokgethwa o tla tla, go dira selo sa go swana, gomme, lentšu le tee kgahlanong le Wona, le ka se tsoge le lebaletšwe.” Le a bona? Ke rena bao. Jésu ka maoto a ditšhila. A o ka kgona go e eleletša? A o ka kgona go e eleletša, batho ba ba tleimago go rata Modimo, gomme ba tswakane bjalo godimo

ka go dithutotumelo tša bona, le dikereke tša bona tša maina le diism?

¹¹⁶ Jesu o rile, “Ditšo tša lena, le dirile Lentšu la Modimo la go hloka maatla.” Šole O bile fao, fao, gomme Lentšu le be le le maatleng, ka gore le be le dirilwe nama, gomme le be le netefatša tlwa gore O be a le Kriste. Gomme batho, ka ditšo tša bona, ba be ba sa Le dumelele go ba le maatla godimo ga batho ba bangwe. Seo ke se A bego a se dira, go leka go Le laetša. Gomme, le a bona, ba be ba sa dumelele gore O be a le moprofeta.

¹¹⁷ Gomme, go le bjalo, Beibele e boletše O be a tla ba moprofeta. Beibele, Moshe o rile, “Morena Modimo wa lena o tla tsoša moprofeta,” Doiteronomia 18:15. Gomme Beibele e boletšepele feela tlwa se A bego a tla se dira. Gomme šo O a tla, o se dira magareng ga batho bao.

¹¹⁸ Gomme lehono re Mo tlogela ka feela leina la tšhila bjalo ka ge A bile nako yeo; a ba bolele dilo kgahlanong le Lona. “Gomme matšatši a mehlolo a fetile. Ga go selo se sebjalo,” ge Beibele e boletše gore O a swana maabane, lehono le go ya go ile. Gomme re sa lewa ke hlong go ema ntle le go bolela se sengwe ka Lona. Re lewa ke hlong ka bopaki bja rena gore re—re tleleima gore re a dumela. Go na le gore re Mo hlatswe, re leka go Mo hlatswa ka megokgo ya lethabo, gore O mo, re no Mo tlogela a dule, a le ditšhila. “Nka se be le selo go dira le yena. Ga ke dirišane le selo sa go swana le Seo, ka bea seatla sa ka godimo ga Sona.” Le a bona?

¹¹⁹ Ke lena bao. Ke sehlopha sa go swana sa Bafarisei, feela ka tlase ga leina le lengwe. Rena gape re Mo lesa a dule ka mokgwa woo, ka baka la go swana, ga re dumelele gore Ke moprofeta. Re lewa ke hlong ka Lona. Gobaneng? Lebaka la go swana. Ga re Le dumelele. Batho ga ba dire. Aowa, mohlomphegi.

¹²⁰ A ka kgona go tla, a dira eng kapa eng A nyakago go e dira; ba beilwe ka ditseleng tša bona, gomme ga go tlhokego ya go leka go šilofala le bona. Gomme le a tseba, Beibele e boletše gore ba tla ba ka tsela yeo. Tlwa. Beibele e boletše gore ba tla ba ka tsela yeo. “Bololo, sebopego sa bomodimo, gomme ba hloka maatla a bjona.” Le a bona? Yeo ke therešo.

¹²¹ Re tšoenana le se sa thuto, sa go pholetšhwa godimo sehlopha se emego kua, le go ba le maago magolo le dinako, le dikereke tša rena tše kaone, le mekgabišo ye mekaone. Ka gona Jesu Kriste a ka kgona go tla ka gare, gomme le Mo tlogela a dule a le ditšhila. Lentšu le ka kgona go dirwa go bonagala magareng ga rena, gomme re sa no sepela go dikologa, go dumelele batho go bolela ka Lona. Oo, nna!

¹²² Eupša, le a tseba, go hlaganela ka kanegelo ya rena, a re fetoleng lefelo la tiragalo bošego bjo. A re retolleleng dikhamera tša rena tsela ye nngwe, tsela tlase ka mokgobaneng, mokgobana wo monnyane wa kgale wa ditšhila, tsela godimo ntlhoreng ya

kamora ye nnyane ya kgale gomme e bego e thibilwe ka tshipi. Lebati le a bulega, gomme mosadi o gatela ka ntle. Gabotse, o be a sa ratwe gabotse magareng ga batho. O be a le modiradibe, gomme o be a dira go phela ga gagwe ka tsela ya go fošagala. Ka fao a sepelela ka ntle, go theoga materapo a mannyane a kgale a go tswinya. O tsena ka mokgobeng. Gomme o ya tlase, gohle go bapela le metomo ya matlakala, le go ya ntle mokgotheng.

¹²³ Gobaneng, ga go motho ntle fao, ka fao o thoma go makala ke eng... “Oo, ke a elelwa. Mofarisei godimo kua, Modiša Mofarisei, o fa moletlwana wo mogolo. Yo mongwe le yo mongwe o godimo kua. Kgwebo e tla ba ye mpe lehono.” Kafao, a thoma go sesella go theoga mokgotha. Gomme ge a thoma go sepela, gomme a re, “Gabotse, ke tla no swanela ke go leta go fihla woo o fedile.” Gomme o be a dira go phela ga gagwe ka tsela ye mpe. Kafao, o be a sepela go theoga mokgotha.

¹²⁴ Gomme ka morago ga lebakana, mogodu wa gagwe wo monnyane wa go swarwa ke tlala wa nkgelela kwana yela ya go šimelwa. A gopola, “Nna, yeo e nkgga botse! Ga se ka ke ka ba le se sengwe go swana le seo go ja, ka bophelong bja ka.” Mohlomongwe o raketšwe ntle, mokgotheng, ge, ke batswadi ba bangwe.

¹²⁵ Le a tseba, dinako tše ntši re nagana ka go seleka ga bafsa. Ke a nagana bontši ka moka bja gona ke go seleka ga batswadi. Digotlane di rutilwe go rapela le go direla Modimo; go e na le gore mme ntle felotsoko phathing ya karata, le phathi ya gagwe ya karata ya bodumedi; gomme papa ntle lebaleng la kolofa felotsoko; gomme kgaetšedi ntle le serathana, ntle kua mokgotheng, ba kitima go dikologa. Mohlomongwe dilo di be di tla fapana ge ba be ba na le aletara ya thapelo ya fešene ya kgale, Beibele sebakeng sa mokgobo wa dikarata. Gomme ba lahletše thelebišene yela ka ntle ga mojako, nako ye telele ya go feta, gomme go ka be go bile phapano ka moka ye ntši. Lena bohle, e be e le phošo go ya pontšhong ya diswantšho. Diabolo o e beile thwi godimo ga rena. O e tlišitše thwi ka ntlong ya bona. Le a bona? Le a bona?

¹²⁶ O be a swerwe ke tlala. O nkgeletše yeo. O rile, “Nna! E nkgga botse. Ke a makala ka kgonthe seripa sa kwana ya go šimelwa ka kgonthe se tla latswega bjang ka molomong wa motho? Ga—ga ke tsebe gore se tla ba bjang. Ke a dumela ke tla no sepelela godimo.”

¹²⁷ Bjale, o be a sa kgone go fihla kgauswi kudu le bona, ka gore o be a le mosadi wa ditšhila. Ba be ba le ba toko ya bona beng, le a bona. Bohle e be e le ba kereke. Kafao, ba be ba sa kgone go tla tikologong mo ba bego ba le gona. O be a tšewa go ba modiradibe.

¹²⁸ Kafao, ge a sepeletše godimo kgauswi, le go lebelela go dikologa, o bone bohle ba bona ba ema kua, gomme meetse a

kitima go tšwa molomong wa bona, ge ba kgamega, le a tseba, gomme ba lebeletše kgapa ye, goba kwana, ka kua e šimelega. Gomme dijo tšohle tše kaone le dilo di pakiwa go dikologa kua. A nako ye kgolo!

¹²⁹ Gomme o thoma go lebelela go kgabola lešaba ka mokgwa woo, gomme mahlo a gagwe a wela godimo ga Gagwe. “Ke Mang Yola? O na le maoto a ditšhila. Ke a makala ke Mang yola. . . . Yo mongwe o kae a ka mpotšago? A re, a o ka. . . .” A retologa go tloga kgontha ka pela, ga a nyake selo go dira le yena. Ke modiradibe. Kafao, a botšiše yo mongwe gape, mafelelong, mohlomongwe mohumagadi yo monnyane a bego a dumela gomme a lebeletše tsela ya go swana. A re, “Mohumagadi, a o ka. . . .Ntshwarele. Eupša a o ka. . . .Ke Mang yola a dutšego kua? O bile bjang. . . . motho yola.”

¹³⁰ “Gabotse,” ba rile, “a o a tseba ke Mang yola? A o kile wa ba kwa ba bolela ka Jesu wa Nasaretha, a swanetšego go ba moprofeta?”

“Oo, ee. Uh-huh. A ke Yena?”

“Yoo ke Yena.”

¹³¹ “Gabotse, Yena ga se a hlatswiwa. Ke a kwešiša gore yo mongwe le yo mongwe o swanetše go hlatswiwa pele ba etla ka kua, le go tlotšwa. Mo lebelele. Gabotse, ga se gabotse.”

¹³² O bile le sebakabotse se neilwe go yena. O ile a elelwa kanegelo ye yo mongwe a mmoditšego yona. Mosadi yo mongwe wa kgwebo ya gagwe, nako ye nngwe, godimo ka—ka Samaria, toropokgolo ya Sikara, o ile a lebalelwa sebe se sengwe le se sengwe. Gomme o ile a lemoga gore seo e be e ka ba sebakabotse sa gagwe. Kafao o ya go fihla bjang go Yena bjale? O bone O be a hloka, gomme o be a nyaka go Mo direla, gomme a sa kgone go fihla go Yena. Yeo e be e ka ba tsela ye e lego. Kafao a gopola, “Nka dira eng? Yena ga a ne tlotšo. Maoto a Gagwe a ditšhila. Ga go yo a fago šedi ye e itšego. Oo, ge feela nka kgona go fihla kua!” Yeo ka kgontha ke pelo ya lerato. “Ge feela nka kgona go e hwetša!” Bjale, o a nagana, hwetša. . . .

¹³³ Monagano wa gagwe o swara se sengwe. “Le a tseba se ke dumelago gore ke tla se dira? Ke a tseba.”

¹³⁴ Go theoga mokgotha o a ya, feela ka bjako kafao a kgonago, go theoga go kgabola mokgobana, go rotoga materapo a a go tswinya, gomme a bula lemati. O ya ka kua gomme a hwetša bo—bo bogodimo bja lekouse, le tseba, gomme o le gogela ntle, o bala gore o a na le tšhelete ye kae. O rile, “Ke, a e lekane go reka oli ye e itšego ya go tlotša? A re boneng ge eba e lekane. Fao go diripa tše masompedi tša Denarii ya Roma. Mohlomongwe yeo e lekane. Eupša, ema, nka se kgone go dira seo. Ke moprofeta, gomme O tla tseba mo ke hweditšego tšhelete yeo. O tla tseba ka fao ke e hwetšago. Ke no se kgone go e dira.” Kafao, mohlomongwe o e beile morago, gape.

¹³⁵ Gomme ge a e beile morago, fao go bile se sengwe sa tšwelapele se bolela le pelo ya gagwe. “Eupša a o ka Mo tlogela a dula fale a le ditšhila, ka mokgwa wola? A o ka tlogela Monna a nnoši yo a ka kgona go tšea go tloša dibe tša gago, a dula a le ditšhila, ge o ka kgona go Mo fa tirelo?”

Kafao o re go yenamong, “E ka ba O a tseba goba aowa, ke a ya.”

¹³⁶ Gomme go theoga mokgotha a ya gomme a kitimela ka lebenkeleng mo go lego moisa wa nko ya huku yo monnyane wa go tšofala a dutše ka kua. “Gomme, go lokile, o nyaka eng ka mo?”

¹³⁷ O rile, “Ke nyaka setlolo sa alebasetere se sekaonekaone se o nago naso. E sego sa go tšhipatšhipi, ke nyaka se sekaonekaone.” O na le lebaka la go ikgetha.

¹³⁸ Gomme seo ke se re swanetšego go se dira. Re swanetše go Mo fa bokaonekaone bja rena, se sengwe le se sengwe re lego sona, bophelo bja rena bja bofsa, e sego go leta go fihla re tšofetše le go hwa. Re fe bokaonekaone re nago nabjo, go Yena.

¹³⁹ Gomme fao o hweditše bjona bokaone. O ile godimo, a re, “A re bone gore ke tšhelete ye kae. A o na le tšhelete, sa pele.” O be a mo tseba, le yena. Kafao, a re. . . Ee, o be a ne tšhelete. “Kafao, o ya kae le se?”

“Ke na le modiro wa go ikgetha wa sona.”

¹⁴⁰ Kafao, o ya godimo. Bjale, ga a ne taletšo. Eupša o ya go tsena bjang ka gare? Eupša, ka mokgwa wo mongwe, ge o nyaka go dira tirelo go Jesu, O tla go direla tsela go tsena ka gare. Ka mokgwa wo mongwe goba wo mongwe, o tsene ka gare.

¹⁴¹ Gomme go be go le Jesu a dutše kua, go le bjalo. Gomme o diregile go nagana ge a tsene ka kua, pelo ya gagwe e be e rethetha ka lebelo ka kgonthe, “Oo, nna! Go ka reng ge A ka direga go nthaka?” Go dilo tše ntši go nagana ka tšona. “Go ka reng ge a ka tla godimo mo gomme a re, ‘A re, wena mosadi wa ditšhila, o dira eng mo ka Bogoneng bja Ka? A ga o tsebe gore ke Nna Morwa wa Modimo? Ga wa swanela go ba mo ka Bogoneng bja Ka?’” Pelo ya gagwe gabotse e paletšwe. Gomme a gopola, “Nka dira eng? Eupša ke swanetše go fihla go Yena. Nka se fete nako ye. Se e ka no ba sebakabotse sa mafelelo ke tla bago baso.” Gomme e ka no ba sa gago, le wena. [Lefelo la go se be le selo godimo ga theipi—Mor.]

¹⁴² A lebelela fase, gomme pelo ya gagwe ya thoma go tlalela godimo. O—o tsebile o be a le ka Bogoneng bja Gagwe. Fao go se sengwe se a direga ge o fihla ka Bogoneng bja Gagwe. O etše hloko megokgo e thoma go tšhologa go tšwa marameng a gagwe. Gomme o be a eme mola, a roromela, ka lepokisi le ka seatleng sa gagwe. Gomme—gomme a wela fase maotong a Gagwe. Gomme a gopola, “Nka se kgone go lebelela godimo. Ke na le molato le

go tšhilafala, nka se kgone go lebelela godimo.” Kafao a thoma go lla. Ya thoma go wela godimo ga maoto a Gagwe. Gomme a thoma go a hlatswa, ka mokgwa *woo*, ka diatla tša gagwe; a a phumula, a leka go phumula megokgo go tloga maotong a Gagwe, gomme a hlatswa maoto a Gagwe ka megokgo ya gagwe. Gomme ka morago ga lebakana . . .

143 O be a se ne toulo go—go phumula maoto a Gagwe ka yona. Kafao, moriri wa gagwe o be o lepeletše fase, gomme a thoma go phumula maoto a Gagwe ka moriri wo o bego o le godimo ga hlogo ya gagwe.

144 A dikgaetšedi tša rena di be di ka se be le nako go dira seo? Ba be ba tla swanela ke go ema ka hlogo ya bona go se dira. Le a bona? Nnete. Uh-huh. Dikgaetšedi tša rena, lehono. Ke a makala ge e ba, lena, ke a makala ge e ba basadi ba a lemoga gore Modimo o boloka tshepišo yohle ya Gagwe. Ke a makala ge e ba le a lemoga gore ga go kgonege ka go felela go lena go tsena ka gare, ka mokgwa woo. O boloka tšohle tša ditshepišo tša Gagwe. A le lemoga se le se dirago ge le dira seo? Le gana bokwala. Beibele e boletše, gore, “Ge mosadi a ripile moriri wa gagwe, e be ebile e se selo sa go tlwaelega go yena le go rapela. Gomme o hlompholla monna wa gagwe, ka go dira bjalo.”

145 Gomme elelwang, e bile mosadi yo a robilego taelo e tee ya Modimo, ye e hlotšego tšohle tša go dira se. A le nagana o tee o roba e tee, o tla boela morago ka gare? Nagana ka yona. Mohlomongwe, dinako tše dingwe, badiredi ga ba ne sebetse go lekanela go le botša. Ye ke nako e tee le yago go e kwa. Ke Therešo.

146 Yo mongwe o rile, “Gobaneng o sa no tlogela bona basadi?” Monna yo mogolo o mpoeditše seo, e sego telele go fetile. O rile, “Gabotse, ba dumela gore o moprofeta. O ba ruta mokgwa wa go amogela Moya wo Mokgethwa, le go amogela dilo tše kgolo tše, le mokgwa wa go ba—go ba baprofeta,” le go ya pele. Ke rile . . . “Go ba ruta dilo tše kgolokgolo.”

147 Ka re, “Nka kgona bjang go ba ruta algebra ge ebile ba sa ithute bo ABC ba bona?” Go a laetša. Bokantle bo hlagiša se se lego ka gare. Eupša o tšwelapele, o a e dira, go le bjalo. Gobaneng? Ga o e lemoge.

148 O be a le fao. Ka moriri wa gagwe, o thoma go phumula maoto a Gagwe ka wona, le go omiša maoto a Gagwe. O be a tšhogile go iša lehung. Gomme ka morago ga lebakana, a topa lebotlelo le la setlolo, gomme a le pšhatla, gomme a leka go le itia le go le pšhatla. Gomme a le tšhela godimo ga maoto a Gagwe. Gomme o be a lla. Gomme nako le nako o be a lla, o be a fihla fase le go atla maoto a Gagwe. A ba le maikutlo a go se laolege.

149 Ge o fihla ka Bogona bja Gagwe, bo go dira maikutlo a go se laolege. Ke bile le maikutlo a go se laolege. Motho mang le mang a kego a tsene ka Bogoneng bja Gagwe, yo a dumelago go

Yena le go ba le tumelo ka go Yena, e tla go dira maikutlo a go se laolege. Ka Letšatši la Pentecost, ge A tlile ka sebopego sa Moya wo Mokgethwa, ba bile le maikutlo a go se laolege. Ge ka kgonthe o dumela, gomme o a tseba le go lemoga ke sebakabotse sa gago, gomme o ka Bogoneng bja Gagwe, o na le nnete ya bjona.

¹⁵⁰ O ile [Ngwanešu Branham o dira medumo ya go atla—Mor.], a atla maoto a Gagwe, gomme a lla, a hlatswa, le go phumula, le [Ngwanešu Branham o dira medumo ya go atla.] le go atla maoto a Gagwe gape. Le a tseba, Jesu, ge A ka be a ile a šuthiša leoto le tee, a ka be a tabogetše godimo gomme a tšhabela ka ntle ga fao. Eupša, le a tseba, O ile a no dula le go mo tlogela a e dira.

¹⁵¹ Le a tseba, ge o nyaka go dira se sengwe, ka gore O a go tlogela wa se dira. Se ka no ba sohle se le ka ntle ga tshepedišo, eupša O tla go tlogela o se dire, go le bjalo. Le a bona? Gomme O . . .

¹⁵² E be e Mo direla tirelo, gomme o be a hlatswa maoto a Gagwe. Gomme O be a nno dula fale gomme a mo lebeletše. O be a boifa go lebelela godimo, ka gore a boifa O be a tla mo dira a tloge ka pela. Gomme, le a bona, o be a hlatswa maoto a Gagwe. Ke sebakabotse go Mo direla se sengwe. Gomme o be a no ba . . . Bjale, le a bona, gomme ge A . . .

¹⁵³ Ge Jesu a boletše morago go Mofarisei, O mo lokafaditše ka mediro ya gagwe. Eupša ge A mo lokafaditše go yenamong, O lokafaditšwe ka tumelo ya gagwe, “Tumelo ya gago e go phološitše.” O laeditše Mofarisei se mešomo ya gagwe e bego e le sona.

¹⁵⁴ Ka gore, mešomo ya gago e hlagiša tumelo ya gago. Bjale dumelela moriri wa gago o golele ntle. Huh! Le a bona? Go lokile. Bjale, le a bona, e hlagiša se o se dumelago, goba aowa. Leo ke Lentšu la Modimo. Ga go Lengwalo ka Beibeleng eupša le e lego Therešo. Gobaneng o e dira? Bjale elang hloko, Hollywood ye ntši ka go Pentecost, bjoo ke bjo e lego bothata. Bjale re hwetša ntle. Yeo ke Therešo. E no ba Hollywood ye ntši kudu. Le bogela dilo tše gomme la itshwantšha ka bolena.

¹⁵⁵ Mohumagadi o rile go nna, e sego telele go fetile, o rile . . . a apere ye nnyane, ya kgale ya moswinellana roko. Ka re, “O reng o sa apole yeo, ka gore o kgaetšedi?”

¹⁵⁶ Gomme a re, “Gobaneng, Ngwanešu Branham, ga ba sa dira diaparo tše dingwe.”

¹⁵⁷ Ka re, “Ba dira metšhene ya go roka, gomme ba ne diphahlo. Le a bona? O no nyaka go dira.”

¹⁵⁸ Ke tla le botša gobaneng. A ke le botšeng, dikgaetšedi. [Phuthego e opa legoswi—Mor.] Uh-huh. Ke a le leboga. Le lengwe la matšatši o ya go swanelwa ke go arabela go direng bootswa.

159 O re, “Gabotse, Ngwanešu Branham, ke nno hlweka go monna wa ka kafao ke kgonago go ba.” “Ke nno hlweka go mogwera mošemane wa ka.” Go ka no ba bjalo, le gona.

160 Eupša Jesu o rile, “Mang kapa mang a lebelelago mosadi, go mo kganyoga, o šetše a dirile bootswa le yena ka pelong ya gagwe.” Gomme ge o itšweleditše ka bowena ntle kua, gomme modiradibe yola o nagana seo ka wena, ka gore o itšweleditše ka bowena; ka Letsatši la Kahlolo, ge a arabela go direng bootswa, ke mang wa molato? Nagana ka yona. Uh-huh. Yeo ke therešo tIwa. Oo, basadi, boang morago, dikgaetšedi, boang morago go Kriste; banešu, le dira selo sa go swana. Gomme lena banna le tla dumelelago mosadi wa gago go dira seo, gomme o ipitša ka bowena monna, hlogo ya ntlo? Uh-huh. Elang hloko. Re ka Gare ga nako ya go šiiša, mogwera, gomme re ela hloko.

161 Gomme mo go be go le mosadi yo monnyane yo a atla maoto a Gagwe, le go hlatswa maoto a Gagwe, le go phumula ka meriri ya hlogo ya gagwe. Gomme gohle gatee, Mofarisei wa go tšofala, godimo kua ka sekhutlong, o ile a direga go e lemoga. Oo, nna! Bogale bja toko ya gagwe bja phagama, gomme sa gagwe—sa gagwe seledu se segolo sa kokomogela ntle, gomme sefahlego sa gagwe sa lebega o ka re se tla phatloga. “Oo, nna!” O rile, “Etlang mo. Lebelelang mo. Lebelelang godimo kua.”

162 Gomme a bolela bokagare ga pelo ya gagwe mong bjale, ka go wa gagwe—ka go monagano wa gagwe, o rile, “Ge monna yola e be e le moprofeta, o be a tla tseba mohuta wa mosadi yo a mo kgwathago.”

163 Bonang ge e ba Ke moprofeta, goba aowa. Le a bona, O bone megopolo ye e bego e le ka pelong ya gagwe. Gomme gohle gatee, A šutha. Gomme mosadi yo monnyane a phagama, go lebelela godimo, mahlo a gagwe a sa bone gabotse. A lebelela godimo, gomme A re, “Simone,” A re, “Ke—Ke—Ke na le se sengwe go go botša.” Oo, nna! “Ke wena yo, Simone. Ke na le se sengwe go go botša. O Ntaleditše mo. Ke tlile ka taletšo ya gago. O Ntaleditše. Gomme ge Ke etla mojako, ga se wa ke wa hlatswa maoto a Ka. Gomme ge Ke etla ka gare, ga se wa ke wa tlotša hlogo ya Ka. O Ntumeletše go tla ka gare, ke le ditšhila. Gomme ga se wa ke wa Nkatla go nkamogela, le ge o Ntaleditše. Eupša mosadi yo mo, a ka no ba eng kapa eng a lego sona, o hlatswitše maoto a Ka ka megokgo ya gagwe. O a phumotše ka meriri ya hlogo ya gagwe. Gomme o tloditše maoto a Ka, gomme kgafetšakgafetša o atlile maoto a Ka ge e sa le a robetše mo.” O hweditše ntle ge eba O be a le moprofeta, goba aowa.

164 Morago A re, “Simone, Ke nyaka o lebelele se sengwe.” O rile, “Ke mohuta mang. . . Ke nyaka go go fa thai.” A re, “Ge bontši bo lebaletšwe, bontši bo a ratwa.” Gomme A mo fa polelo. Gomme Simone a mo araba morago.

165 Elang hloko. Simone ga se a Mo fa selo go hlatswa maoto a Gagwe ka sona, eupša O be a ne meetse a makaonekaone a bego a ka kgona go ba. E no nagana, megokgo ya modiradibe yo a sokologilego e hlatswa tšhila go tloga maotong a Jesu; megokgo ya mahlo a modiradibe e hlatswa tšhila go tšwa maotong a Gagwe.

166 Oo, banna le basadi, bošego bjo, ge le bona kgobogo godimo ga Ebangedi! Gomme ra ba dikgogorothwane bjalo, e tla tšea go tloša meikapo wohle go tloga sefahlegong sa rena ge re lile megokgo; gomme re lebega go šiiša, go ya mokgotheng. O ya go ba eng ge o eya go lebanya dikgoro tša Legodimo ka kua?

167 Gomme o be a le fao. O hlatswitše maoto a Gagwe, o atlile maoto a Gagwe, gomme o be a tla Mo tlotša, le go dira se sengwe le se sengwe a bego a ka se kgona, ka gore o be a nyaka tebalelo. Gomme gohle gatee, o—o ile a makala se A bego a eya go se dira bjale.

168 O laeditše Simone, gomme e thuyeditše morago godimo ga gagwe. Selo se a se boletšego, “O be a se moprofeta,” se netefaditšwe gore O be a le moprofeta, gore O be a le Lentšu la Modimo. Bjale, o eme kua ka sefahlegong sa gagwe se kokomogetše ntle. A ka be a ile a ubarela mosadi yo monnyane yola, a mo lahlela ka ntle ga kereke.

169 Eupša o ile a hwetša se a go se kgopela. Amene. Ga e dire phapano gore bohle ba bona ba boletše eng. O hweditše se a se kgopetšego.

170 Bjale A retologela go yena. Pelo ya gagwe ye nnyane ya thoma go rethetha ka lebelo ka kgonthe. Bjale O ya go reng? O be a le fao. Tšohle dikhele tša gagwe tše botse di be di lepeletše gohle fase godimo ga letheka la gagwe mo. Gomme a gagwe—a gagwe mahlo a be a tletše ka megokgo. Gomme sefahlego sa gagwe le dipounama tšohle ke kirisi, mo a bego a atla maoto a Gagwe, ka morago ga go bea oli yela godimo ga Gagwe. Ka nnete o lebega a hlakahlakane godimo. Eupša wona mahlo a magolo, a lebeletše se a bego a eya go se bolela.

171 O rile, “Gomme Ke re go yena: dibe tšohle tša gagwe, e lego tše ntši, di lebaletšwe yena.” Yeo ke yona. “Tšohle dibe tša gagwe di lebaletšwe yena.”

172 Seo ke se ke nyakago go se kwa. Oo, ao ke mantšu a ke a nyakago. Ga ke tshwenyege se bohle ba bona ba se bolelago. Ke loketše go ema ka kerekeng ya gagwe ya leina, go bega gore Yena ke Lentšu la Modimo. Ga ke tshwenyege se ba se bolelago. A ba bee tšhila ye nngwe le ye nngwe ba e nyakago godimo ga Lona, ba re, “Sebalamonagano, mmolellamahlatse,” eng kapa eng ba nyakago go. Ke loketše go atla kgobogo go tloga go Yena. Ke Lentšu la Gagwe. Ka nnete. O le tshepišitše. Ke Lentšu feela kudu lehono go swana le ge A bile nako yela. O boletše bjalo.

173 Bjale, mogwera, go ka no ba batho ba dutše mo ba ba sa kgonego go dumela gore Yena ke Moprofeta. O ka no ba o sa dumele gore Yena ke mofodiši. Eupša go selo setee seo leloko le lengwe le le lengwe le swanetšego go dumela, Yena ke Mophološi.

174 Gomme ke nyaka go bolela se pele ga go tswalela. E sego telele go fetile, moemedi mogwera wa ka o be a seka molato wa monna le mosadi ba ba bego ba eya go arogana. Moemedi e be ele mokgomana yo mokaone wa Mokriste. O rile, “Le se ke—le se ke la arogana.” O lekile bokaonekaone kudu bja gagwe go ba tloša go yona. Eupša, aowa, ba be ba ikemišeditše ba be ba eya go e dira. Se sengwe se tlile godimo gare ga bona. Gomme ka morago ga lebakana, o rile, “Gabotse, ge le na le legae tlase mo, bokaone le ye tlase, le aroganye diphahlo. Ka gore, ge ba swanetše go ya tlase kua, bona boramolao le dilo di tsena ka go yona, le tseba se se yago go direga. Ba tla tšea nthasana ya se sengwe le se sengwe sa yona.”

175 Kafao ba ile ka dikamoreng, go aroganya godimo se ba bego ba na le sona. Ba ile ka kamoreng ya madulo. Ba kgakgana le go kgorometšana. “Ke reka se,” gomme “ke bile le se.” Gomme ba tšwelapele, ka kamoreng ye e latelago, gomme ba arogana ka fao. Gomme mafelelong ba ya ka kamoreng ya ka godimodimo. Ba bile. . . Elelwang ba be ba ne theranka ya kgale godimo kua. Ba fihlile ka kua gomme ba thoma gore, “Gabotse, *ye* ke ya mme wa ka.” “Ye e be e le ya mme wa ka,” ka mkgwa woo. Ba fihlile fase ka therankeng, ka otee ka otee, bobedi bja bona ba khunamile lebatong, le sekhurumelo sa theranka se bulegile, ba arogana se e bego e le seo. Ba be ba sa kgone go dumelelana. “*Seo* ke sa ka.” “Ke pateletše *seo*.” “Ke dirile mošomo.” “Ke be ke šetše gae ge o be o se dira,” ba kgakgana.

176 Mafelelong ba emišeditše godimo se sengwe gape, gomme bobedi bja bona ba se tlimarela, ka sammalettee. E be e le eng? Para ye nnyane ya dieta go tšwa go lesea le lennyane le la go tswalwa ka kopanelong yeo, leo Modimo a le tšerego. Ga se ba kgona go ngangišana. Ba bile le se sengwe sa go swana. Ge ba be ba swere diatla tša bona, monna o ile a elelwa gore o be a le mmago lesea leo. Monna a elelwa gore o be a le mme. Mosadi a elelwa gore o be a le tate. Gomme ge ba be ba swere dietana tše nnyane ka diatleng tša bona, ba gogelana seng yo motee go yo mongwe, ba bea matsogo go dikologa mongwe go yo mongwe. Molato wa tlhala wa fedišwa. Gobaneng? Ba hweditše se sengwe ba bego ba na le sona sa go swana.

177 O ka no ba o se wa dumelelana le nna beke ye, go bona Moya wo Mokgethwa o etla ka gare, o tiišitše Mantšu a le dilo. O dira. . . O ka no se dumelelana le seo. O ka no se dumelelana le balwetši ba fodišwa. Eupša re na le selo setee sa go swana: seo ke Madi a Jesu Kriste ao a re phološago go tšwa dibeng. A o ka hlatswa tšhila go tšwa maotong a Gagwe bošegong bjo?

178 A re inamišeng dihlogo tša rena nakwana feela. Elelwang, O boloka tshepišo ye nngwe le ye nngwe. O boloka tshepišo ye nngwe le ye nngwe. O tshepišitše. “Le ge dibe tša lena e le tše khubedu, e tla ba tše tšhweu bjalo ka leswele. Dibe tšohle tša gago di lebaletšwe wena, ge o ka no e dumela.”

179 Bjale, ka dihlogo tša rena di inamišitšwe. Ke a makala ke ba bakae mo le tla phagamišago seatla sa gago le gore, “Ngwanešu Branham, ke a nyaka go, bophelo bjohle bja ka, ga ke nyake go Mo dira a dule a nyatšegile. Gomme ke—ke na le sebakabotse go swana le ge mosadi yo monnyane a dirile. Ke nyaka go, ka bopaki bja ka, go hlatswa tšhila go tloga go Yena, le . . . Leina le bohlokwa la Gagwe”? A o ka phagamiša seatla sa gago, wa re, “Nthapelele, Ngwanešu Branham. Ke—ke . . .”? Modimo a go šegofatše. Modimo a go šegofatše. Seo se kaone.

180 Bjale, Tate wa Magodimong, fao go bile tše ntši, diatla tše ntši tše di lego godimo fa feela bjale. Gomme re bona gore Leina la Jesu Kriste le lahletšwe ka tšhileng. Gomme se sengwe le se sengwe Legodimong se reetšwe Leo. Le lengwe le le lengwe lefaseng le reetšwe Leo. Leloko lengwe le le lengwe—lengwe le le lengwe la kereke, leloko le lengwe le le lengwe la Mmele wa Kriste, ke Mdi. Jesu. Gomme re a rapela, Tate wa Magodimong, gore re tla bona le go kwešiša seo, bošego bjo. Gomme a nke mogau wa Gago o tle godimo ga batho ba bjale le go lebalela sebe se sengwe le se sengwe, gore ba tsebe gore, ka Bogoneng bja Gago bjale, le go tseba gore O mo. A Moya wo Mokgethwa wa Gago o re rute bohle bjale, gomme a nke re lebalelwe dibe tša rena tšohle le diphošo tša rena. Gomme go tloga bošego bjo go ya pele, a nke re be dibopiwa tše mpsha, tša go tlatšwa ka Moya wa Gago. E fe. A nke re be le temogo ya Bogona bja Gago. Ka gore re e kgopela Leineng la Gagwe.

181 Gomme ge re sa na le dihlogo tša rena di kobilwe. Ke a makala, bošego bjo . . . Bjale, ke bolela go badiradibe, le go maloko a kereke, le go bakgelogi, le go bao ba se nago Moya wo Mokgethwa. Ke bolela le lena. Gobaneng Mofarisei a se a Mo amogela?

182 Re tla tšwelapele re Mmitša. “O Morena, a O tla tla?” Ge lesea la gago le be le babja, o Mmiditše. O bile wa kgaugelo, ntle le go kamaka. Ge o be o le kgauswi le go bona kotsi yela ntle kua, o Mmiditše. O—O go dirile go tšwa go yona. Eupša ke a makala, go no makala, ka tšohle dilo tše re Mo kgopelago, le go Mo laletša, ka gona ge A etla go re etela ka mokgwa wo, ke a makala ge eba re ba le dihlong.

183 Go re, “Gabotse, ke bile leloko la kereke, eupša ke nyaka go Mo hwetša ka kolobetšo ya Moya wa Mokgethwa bošego bjo. Ke a Mo nyaka. Ke a Mo hloka. Ga ke tshwenyege gore lefase lohle le reng ka Wona. Ke a Mo nyaka.” A o nyaka go ba le kolobetšo ya Moya wo Mokgethwa? Ge o ka dira, ke ya go go kgopela go

dira se sengwe. Ke go nyaka o tle godimo mo, thwi fa mo ke lego bjale. E tla thwi fase mo gomme o eme thwi mo lebatong thwi mo kgauswi le nna. Motho yo mogwe le yo mongwe ka mo, motho yo mongwe le yo mongwe a sego a phološwa, pele, a o ka sepelela godimo mo le go ema fa motsotso feela?

¹⁸⁴ Ge o dumela gore O kwa thapelo, a o ka tla mo le go ema mo motsotso feela bjale, ge re opela temana e tee ya pina? Yona ke eng? *Ka Boleta Le Bonolo Jesu O A Bitša*. Go lokile, ka dihlogo tša rena di inamišitšwe, yo mongwe le yo mongwe a rapela, etla thwi mo le go ema mo, thwi fase mo ka lebatong le mo.

Ka boleta le bonolo, Jesu . . .

Tlaa, a o ka rata, mogwera, kae kapa kae o lego?

O bitša wena le . . .

¹⁸⁵ Jesu ka matšatšing a a mafelelo, feela pele ga go tšwelela ga Gagwe ka sebopego sa mmele bjale, o dutše ka maoto a ditšhila. A o rata go tla go tšea leemo la gago, go tšea kgobogo go tloga Leineng la Gagwe?

O a bitša, O modiradibe, tla gae.

Tlaa gae.

¹⁸⁶ A o ka se ke . . . Emela godimo ka pela bjale. Fetša le monagano wa gago. Etla thwi godimo bjale. Re na le nako ye ntši. Gosasa ke Lamorena. Sekolo a Lamorena ga se thome go fihla ka masometharo go tšwa go senyane. Etla godimo bjale.

. . . le lapilego, etlang gae;

Ka tlhokofalo, bonolo . . .

A le a lemoga Jesu o mo?

O a bitša, O modiradibe, tlaa gae.

Tlaa gae.

¹⁸⁷ Yeo ke nnete. Tlang godimo go tšwa lebatong la godimo. Re tla le letela. Etlang thwi godimo, yo mongwe le yo mongwe bjale, gomme o tšee lefelo la gago thwi fase mo. Bjale feela . . . Se se ra bophelo bja gago.

¹⁸⁸ Go direga eng? Lebelela ditšhišinyego tša lefase mogohle godimo ga lefase, go šišinya lefase gape. Lebelelang se se diregago mogohle. Nako e kgauswi. Gomme lebelelang, mojako o tla tswalelwa, ka morago ga lebakana, gomme o tla llela go tsena ka gare, gomme o ka se kgone.

¹⁸⁹ Ke boletše le mosadi yo mofsa, nako ye nngwe ya go feta. Ke be ke swere kopano ka kerekeng ya Baptist, gomme ke ile ka mo kgopela bošego bjoo go tla go Kriste. Gomme ga se ake a e dira. Gomme ka gona ka morago ga fao, o ile a kopana le nna ka ntle gomme a re, “O se ke wa tsoge wa ntlhabiša dihlong ka mokgwa woo gape.” Ngwaga moragorago, ke ile ka feta go kgabola mokgotha. O be a le mosetsana yo mofsa wa

go hlomphega. Ke ile ka feta go kgabola mokgotha. Sekete sa gagwe sa ka gare se be se lekeletše fase, a kgoga sekerete, a eya go theoga mokgotha. O be a le morwedi wa letikone. Gomme ka re, “Dumela, fao. A ga se . . .”

A re, “Dumela, moreri!” Polelo ya setsotsi bjalo ka yeo, “Dumela, moreri!”

Ka re, “A ga o lewe ke dihlong, sekerete seo?”

¹⁹⁰ A re, “Hei, a o ka nyaka seno se sennyane go tšwa lepotlelong la ka?” O be a tagilwe seripa.

Gomme ka re, “A ga o lewe ke dihlong ka wenamong?”

A re, “Etle mo. Ke nyaka go go tšeela mo ke dulago.”

Ka re, “A ga o gae?”

“Aowa.”

Ka re, “Bothata ke eng?”

A re, “Tšea seno se sennyane go tšwa lepotlelong la ka. Ke tla go botša.”

¹⁹¹ Ka re, “A ga o lewe ke dihlong ka wenamong, go ntlhalla seno go tšwa lebotlelong, goba sekerete?”

¹⁹² A re, “Ke nyaka go go botša selo se sengwe, moreri. O a tseba bošego bjala o mpoditše e be e le sa ka ‘sebaka sa mafelelo?’”

Ka re, “Ee, ke a elelwa.”

¹⁹³ A re, “O be o rereša.” A re, “Ge e sa le go tloga nako yela, soulo ya ka e bile thata kudu!” O rila . . . Bjale tshwao še. E no kitimiša meroromelo godimo ga mokokotlo wa ka. A re, “Ke kgona go bona soulo ya mme wa ka mong e gadikega ka heleng bjalo ka kuku ya pane, le go e sega.”

¹⁹⁴ A o nyaka go fihla ka legatong leo? O se ke wa Mo gana. Ka fao thwi bjale, a o ka se tle, wa ema fa le bohle ba ba?

Tlaa gae, tlaa gae.

¹⁹⁵ Go Mo raka go tloga, seo ke se se diregilego. Elelwang, o tla Mo raka, nako ya mafelelo.

Tlaa gae. Ka tlho . . .

¹⁹⁶ O boloka tšohle tša dipeelano tša Gagwe. Gomme o na le e tee le Yena. O ya go kopana le Yena Kahlolong goba kopana le Yena mo.

O a bitša, O modiradibe, tlaa gae.

¹⁹⁷ Le a tseba, ke a makala. Pelo ya ka e ikwela go se tlwaelege ka kgonthe. Ke gopotše, lehono, ge ke be ke rapela . . . Ke bile le molaetša wo mongwe ke bego ke eya go bolela ka wona. O mpoditše go dira seo. O mpoditše go bolela seo. Ke gopotše gore mosadi yo mongwe le yo mongwe a kotilego moriri o tla be a eme mo go pitšo yela ya aletara. Le a bona, o no ba yo mothata le go ba kgole kudu. Le a bona? O tshela mothalo wola gare ga godimo

le fase, le a bona, go se kwe Lentšu la Modimo. Ke gopotše gore ka nnete e be e tla direga. Eupša ke a thanka mohlomongwe ke thari go feta ka kgonthe ka mo ke naganago. Elelwang, madi ga a godimo ga diatla tša ka. Ga se ka tlogela go le botša Keletšo ya Modimo, tsela yeo E lego.

¹⁹⁸ Elelwang, go na le se sengwe ka gare, se tsebagatšago bokantle. Tloga go yona, kgaetšedi, morategi. Ngwanešu, mo tšee ka seatla gomme le tle godimo mo. Gobaneng o sa dire? A o ka se be, a ga o nyake go ba Mokriste wa kgonthe? Go hola eng go phela bophelo bja seripa sa tsela, le go phela ka tlase ga kahlolo? O se ke wa dira seo. Le a bona? O re, “Gabotse, ke—ke . . .” Ga ke tshwenyega se o se dirilego. Dienywa tša gago ke tše o tsebjago ka tšona.

¹⁹⁹ Ke kgabaganya Amerika, kgafetšakgafetša. Gomme ngwaga wo mongwe le wo mongwe ke a kgabaganya, go ba mogobe le mogobe, kafao ke a tseba fao go se sengwe sa go fošagala. Letšatši la mogau le feta kgauswi. Le se ke la lesa leo la direga go lena ka mo Tampa. Le mo ka go ye kgolo, ye tona, ye botse toropokgolo moo se sengwe le se sengwe se tletšego matsaka, go no swana le Hollywood.

²⁰⁰ Lefase ka moka le tšhilafaditšwe. Tšohle dilo tše di lego godimo ga thelebišene ke maroga, dilo tša ditšhila. Gomme le leka go itshwantšha ka seo. A le ka se tšee mohlala wa Jesu? A le ka se ke—le ka se ke la Mo dumela? A le ka se ke la theetša Lentšu la Gagwe? A le ka se dire dilo tše tšeo di lokilego?

²⁰¹ Ke ba bakae ka mo ka go botega ba tla bolelago gore o a tseba ga o na le Moya wo Mokgethwa? Lebelela ka go wenamong, ka seiponeng, le go tseba gore ga o nawo. Go tseba, le go no lebelela go bophelo bja gago mong, le ka tsela ye o dirago.

²⁰² E sego ka gore o wa kereke, “Ke nna wa Methodist, Baptist, Pres- . . . Ke . . .” Seo sohle se lokile. Ga ke bolele selo kgahlanong le seo. Eupša ke a go botšiša, a o tseba Kriste Jesu? A O phela ka go wena? Ge A dira, O tla itsebegatša ka Boyena fao. Ge A le fao, O tlemegile go e itira ka Boyena go tsebjaga. O ka se kgone go Mo uta, O emela ntle.

²⁰³ Ga o ne Moya wo Mokgethwa, gomme o a tseba ga o nao, phagamišetša seatla sa gago godimo. E no botega. E re, “Ga ke na le Moya wo Mokgethwa. Ke a tseba ga ke nao.” Modimo a go šegofaletše tlhokofalo yeo. Modimo o tla hlompha tlhokofalo yeo. Ge o nyaka Moya wo Mokgethwa, a o ka se tle wa ema mo le ba bjale, badiradibe ba ba go sokologa mo. A o ka se tle ka nako ye? Etle godimo le go ema, ge re e opela gape. E re, “Ke a O nyaka, Ngwanešu Branham.” Ke a le botša go tšea Woo. O ya go swanela ke go ba le Wona, bakeng sa Tlhatlogo. Yeo ke therešo tlwa.

²⁰⁴ Bjale, le a elelwa. A o a dumela gore Modimo o bolela le wena? A o dumela yoo ke Jesu Kriste? Phagamišetša seatla sa

gago godimo. Ge o dumela, beke ye, o bile ka dikopanong, o a dumela ke Kriste. Go lokile, gona lefelo la gago le aletareng.

205 Gomme lena basadi, dihlolong go lena. Banna, dihlolong go lena go mo dumelela go dira seo. Lena banna ntle mo, le dirago dilo tšeo!

206 Gomme ba bangwe ba lena badiredi, yoo ramaatlakamoka tolara sebakeng sa Lentšu la Modimo Ramaatlakamoka; le dira phuthego yeo go tsena ka go mohuta woo wa sebopego, feela ka baka la mokgatlo wo mongwe.

207 Le bala Beibele ya go swana ke e balago. A ga le lewe ke dihlolong ka bolena? Jêsu ka maoto ditšhila. A ga se wa hwetša phasolo ya kgonthe ya Bokriste ka wena, go emela godimo go E tšeela godimo? Go lebega o ka re o be a swanetše.

208 Modimo eba le kgaogelo. Ke a rapela gore Modimo o tla romela Moya wo Mokgethwa ka go fenywa feela bjale, yeo e tla dirago phuthego ye go lemoga mo e dutšego.

209 A o a lemoga gore se ke sebakabotse sa gago? A o ya go dira go swana le ka fao semamathane se dirilego, go feta godimo sebakabotse sa gago sa mafelelo? A o ya go dira seo? O se ke wa se dira. Ge go le go kamaka kae kapa kae, goba se sengwe sa go fošagala, tšea lefelo la gago thwi tlase mo. Tšea lefelo la gago. Le ke lefelo la gago.

O re, “Gabotse, ga ke nyake selo . . .”

210 Ba be ba sa nyake go dira, le bona. Ba ka be ba ile godimo le go Mmona a dutše kua. Ba ka be ba ile gomme ba itsebiša ka bobona. Eupša e be e le kgahlanong le phuthego ya bona. Go reng ka . . . E be e se kgahlanong le Yena. Mosadi yo monnyane yola o be a sa tshwenyenge. O tsebile gore o be a le modiradibe. O hweditše tebalelo.

211 Ga ke tsebe se se diregilego. Ba kae bošego bjo? Mosadi yola o kae, bošego bjo, o a nagana? Gomme Mofarisei o kae, bošego bjo, le ge a be a le wa bodumedi? O kgona go ba kwa bobedi, mo ba lego, ka nnete o ka tšea lefelo la gagwe, nako ye nngwe le ye nngwe. Kafao, ga go tshwenye gore o wa bodumedi bjang! Ge o . . . Jesu o boloka peelano ye nngwe le ye nngwe. Taelo ye nngwe le ye nngwe, O, o swanetše go e arabela.

212 Kafao, bokaonekaone o tle bjale, ge o se na le Moya wo Mokgethwa. O go laetše go dira. O rile, ka go Puku ya Ditiro, Petro o dirile, o rile, “Sokologang yo mongwe le yo mongwe wa lena gomme le kolobetšwe Leineng la Jesu Kriste tebalelong ya sebe, gomme le tla amogela neo ya Moya wo Mokgethwa. Ka gore tshepišo ke ya lena, le go bana ba lena, le go bona ba ba lego kgole, le ba bantši ba Morena Modimo wa rena a tlogo go ba bitša.” Gomme ge feela A sa bitša, O sa fa Moya wo Mokgethwa.

213 Ge re sa opela gape, a o ka se tle? Ye ke nako ya ka ya mafelelo bjale. Elelwang, Kriste o bile mo, gomme bohle phagamišang

diatla tša lena, go tsebagatša gore e be e le Yena le Lentšu la Gagwe.

Gomme tlase, gore, Kriste, ka pelong ya ka, O nyamišitšwe.

²¹⁴ Jesu o dutše godimo ka godimo ga Jerusalema, nako ye nngwe, a re, “Jerusalema, Jerusalema, ke ga kae Ke bego ke go alamela bjalo ka kgogotshadi e dira matswiana a gagwe, eupša ga se wa nyaka.”

²¹⁵ Dinako tše ntši, ge ke etla magareng, bjale ka ge ke le boditše mosong wo difihlolong, lena batho ba bakaone ba Pentecostal, le mehuta yohle ya batho. Ge ke etla magareng ga lena, Moya wo Mokgethwa fase ka go nna, o re, “Ke gakaie Ke swanetše go be ke ba kgobokeditše. Kafao kereke e ka bego e eme lehono ka go maatla a yona, eupša ga se la nyaka.” Le a bona? Ga se la nyaka. A le ka se e dire bjale? Ye ke nako. Beelang thoko boima bjo bongwe le bjo bongwe bjoo bo . . . sebe seo se le nyamišago gabonolo. A re kitimeng ka kgotlelelo lebelo le le beilwego pele ga rena.

²¹⁶ Ge re bitša nako ye tee gape, yo mongwe le yo mongwe opela le nna bjale. Emela thwi godimo gomme o tle godimo mo. Ge o se wa ba le kolobetšo ya Moya, ge o le modiradibe, mokgelogi, eng kapa eng o lego yona, etla pele godimo gomme a re rapele mmogo. A o ka dira bjale? Ye ke pitšo ya rena ya mafelelo.

Ka boleta le bonolo Jesu o a bitša,
O bitša nna le wena;
Bona kgorong O letile le go hlokomela,
Go hlokomela wena le . . .

²¹⁷ Go ka reng ge Mofarisei a ka kgona go kwa pitšo ya aletara, bošego bjo, a dutše morago kua, o be a ka dira eng?

Tlaa gae, tlaa gae.

²¹⁸ O dirile sebe tsela ya gagwe, letšatši kgole. A o ka dira selo sa go swana? Go ka reng ge semamathane mošemane yola wa go ikgetha a ka kgona go ema pele ga Gagwe gape, selo sa pele e tla ba eng?

. . . gae;
Ka tlhokofalo, le bonolo, Jesu o a bitša,
O bitša . . .

Tlaa gae, tlaa gae, (O Modimo)
Yo a lapilego, tlaa.

²¹⁹ A maswao a a le tshwenya, lefaseng lehono, go le tseba? Goba, a o fetile lefelo lela? A go sa na le lefelo le bonolo ka kua? Ge le sa le gona, tlaa. Mo dumele go tla ka gare, go le thopa, thwi fao. O tla go dira sebopiwa se seswa. O tla tloga mo motho wa lethabothabo o kilego wa ba.

O a bitša, O modiradibe, tlaa gae.

²²⁰ Ka dihlogo tša rena di inamišitšwe bjale, a re e hameng. [Ngwanešu Branham o thoma go hama *Ka Boleta Le*

Bonolo—Mor.] A o ka se tle gae? Modimo a go šegofatše, mohumagadi yo monnyane, o e bone.

Wena yo a lapilego, tlaa gae.

Oo mokgelogi, tlaa gae.

Ka tlhokofalo, bonolo. . .

221 A o a amega? Ge o kgodišegile, gona o a amega. Goba, ge o se wa kgodišega le bjale gore ke Jesu, gona o ka se kgone go amega.

Tlaa gae.

222 Bjale, thwi mo, phatlalatša, re ka se dire kudu ka yona, re eme mo. O a tla, go dira boipolelo.

223 Nako ya go feta, ke kwele kanegelo ye nnyane. Ke nyaka le theeletše, ka gare kgauswi. Go be go le monna a bitšwe Danny Martin. O kgabagantše setšhaba mo, ditsošetšo tše ntši tše kgolo. Ba tleleima gore o bile le toro, bošego bjo bongwe, gore o be a hwile. Gomme a—a thoma go ya ka Legodimong; a kopanetšwa kgorong. O rile, “Ke mang yo a batamelago?”

224 Gomme a re, “Yo ke Danny Martin.” A re, “Ke nna moebangedi.”

225 Monna kgorong, a re, “A re bone ge leina la gago le le mo godimo ga puku.” A re, “Ga le gona.”

A re, “Gabotse, ke be ke le modiredi.”

226 A re, “Nka se kgone go thuša se o bego o le sona. Ge leina la gago le se gona godimo mo, o ka se kgone go tsena ka lemati le. Le notletšwe swine! . . . o swanetše go tla. O swanetše go ba le leina la gago godimo ga puku.”

Gomme a re, “Gabotse, nka kgona go dira eng?”

227 A re, “O ka no aphila molato wa gago, ge o nyaka, go Terone Ya Modimo Ye Tšhweu Ya Kahlolo.” Oo, ngwanešu, kgaetšedi, o se ke wa tsoge wa nyaka go ya fao.

228 Kafao o rile, “Ke a thanka ga ke na le tsela ye nngwe eupša go aphila molato wa ka.”

229 Kafao, o rile. . . Go ile gwa lebega o ka re o ile a thoma go ya felotsoko; o be a sa tsebe mo a bego a le gona. Ye ke toro ya monna. Gomme o rile, “Ke tlile ka go Seetša. Ga go lefelo le le itšego Se bego se etla pele. Eupša ka thoma go neneka kudu, gomme, ka morago ga lebakana, ka ema. Ka kwa Lentšu, le re, “Ke mang a batamelago terone ya Ka ya toka—toka?”

230 O rile, “Ke nna, Danny Martin.” A re, “Ke nna moebangedi go tšwa go United States.” A re, “Ke—ke—ke—ke thophile disoulo. Gomme ga se ba ntumelela go tsena ka kgorong.”

231 O rile, “Go lokile. Ge o aphiše molato wa gago go ema ka go dikgorotsheko tša Ka,” A re, “gona Ke nyaka toka.” O rile, “Ke na le ditaelo.” A re, “Danny Martin, a o kile wa aketša, ka bophelong bja gago?”

232 A re, “Ke gopotše gore ke be ke le monna wa therešo,” eupša, a re, “ka Bogoneng bja Seetša sela, ke lemogile ke boletše dilo tše dingwe di be di le merithi.” A re, “Ee, Mohlomphegi. Ke boletše maaka.”

A re, “A o kile wa utswa?”

A re, “Ke gopotše gore ke be ke botegile, eupša ke bone dikwano tše dingwe.”

233 Gona, leta go fihla o tsena ka Bogoneng bja Seetša sela. O nagana gore o lokile bjale, eupša e no leta go fihla o fihla kua. Leka go batamela nako ye nngwe ka moriri wa go kotwa, go kgoga disekerete. E no e leka, nako ye nngwe. O nagana gore ke no bolela seo. Ke tla e netefatša go go wena, go tšwa Lengwalong mo. Therešo tlwa. Leka o apare para ya diseleka, dišothi, hwetša ntle mo o lego gona. Beibele e re, “Ke makgapa mahlong a Modimo.” Le a bona? E leke, nako ye nngwe. Letswalo la gago le kae?

A re, “Gabotse, a o kile wa dira *se* goba *sela*?”

“Ee,” a realo.

“Gomme, Danny, a o kile wa dira sebe?”

O rile, “Ee, ke dirile sebe.”

234 Gomme o kgauswi le go kwa . . . O rile marapo a gagwe, a be a lebega o ka re, a be a etšwa makopanong; go kwa seo, “Eya heleng ya ka gosafelego, go tloga Bogoneng bja Ka.”

235 A re o kwele lentšu le le bosebose kudu le kilego la kwewa. O rile o lebeletše tikologong, go Le bona. O rile o bone sefahlego se se bosebose se a kilego a se bona.

236 A re, O rile, “Tate, yeo ke therešo. Danny o lekile go phela se sengwe le se sengwe se a tsebilego mokgwa wa go phela, eupša o dirile phošo. Eupša selo se tee a se dirilego tlase lefaseng, o Nkemetše. O Nkemetše godimo, o tšeetše godimo bakeng sa Ka, ka go Lentšu lohle la Ka. Bjale Ke a mo emela Mo.”

237 Seo ke se o se dirago bjale. O dira go Mo emela mo. O tla dira go go emela, pele ga Tate.

238 Morena Jesu, ke a rapela gore O tla ba le kgaugelo le go fa tebelelo ya dibe tša batho ba. Ba tlile fa go dira go ema. Ba yo mongwe le yo mongwe o nyaka go tlatšwa ka Moya wo Mokgethwa. E fe e tla fiwa bona. Ke a ba tleleima, Morena, bakeng sa letago la Gago, ge ba eme pele ga batheeletši ba, bjalo ka hlatse.

239 Ba bangwe ba bona ke maloko a kereke, ba bangwe ba bona ke bakgelogi, ba bangwe ba bona ga se ba ke ba Go amogela pele. Gomme ba eme mo. Gomme ba bona tšhila ye e latelago bja kgontho, boipolelo bja therešo bja Mokriste. Gomme ba loketše bjale go tšea go ema ga bona, bjalo ka mosadi yola, go ipolela ke bona badiradibe. Eupša ka megokgo ya bona ya tshokologo ba

nyaka go hlatswa tšhila go tloga Leineng la Gago, Morena. Efa gore ba tla kgona go e dira.

²⁴⁰ Bjale ke ya go go kgopela selo se setee. Moo o ka sekego wa ba ntle mo pele ga phatlalatša, ba na le kamora e filwe thwi morago mo. Ge o nyaka go amogela bjale, ke nyaka o ye morago, pele re eya morago kua le wena. Etle thwi godimo ga leterapo ka mokgwa *wo*, gomme o ye ntle mo. A o ka ntirela seo bjale? Etle thwi go kgabola *mo*. Re na le mafelo a diretšwe wena thwi mo, mogwera. Etle thwi godimo ka tsela *ye*. Modimo a le šegofatše, yo mongwe le yo mongwe.

²⁴¹ A go sa na le bangwe ba nyakago go tla thwi bjale, ge ba sa ya? Ke nyaka yo mongwe le yo mongwe a lego ka mo, go tla ntle le go ya morago. Ba tla kopana le wena feela ka motsotso. Bošego bjo bo filwe se. Bjale ke nako, amogela Moya wo Mokgethwa. Ga se wa ke wa O amogela; ye ke nako. Etle bjale gomme o O amogele. Ye ke nako ya go lokiša le Modimo. O sa ntše o ka kgona go dira go ema ga gago. Bjale, ge o ka se e dire, A ka se go emele ka Kua! . . . ? . . .

²⁴² Morena a šegofatše. Go lebega o ka re, yo mongwe le yo mongwe wa bona o a ya. Ke a dumela ka kgonthe ba hlokofetše ka go tiba. Ke a dumela bjo e tla ba bošego bo bogologolo re bo bonego ka Tampa ka nakong ye telele. A yo mongwe gape a ka tla pele bjale? Ke bašomi ba sebele morago kua, ba beile maswao a bona, ba ya ka gare le bona. Re ya ka kua gare, feela metsotso e se mekae, go ba le bona thwi kua. Ba tla be ba sa le ka moagong. Lena baena eyang thwi kua gomme le kopane le bona gona, eyang pele, ba direng ba arogane ka kamoreng. Ke ya go ba thwi fao le lena, feela mo motsotsong.

²⁴³ A yo mongwe gape a ka se tle thwi ka pela, ge ba sa ya bjale? E no emela thwi ntle.

²⁴⁴ A o ka dumelela Jesu go dula ka gare ka letšatšing le? O re, “Ge nkabe ke bile morago kua, ge nkabe ke Mmone ka mokgwa woo, nkabe ke se ka dira seo.” Go reng ka yona thwi bjale? Mokgwatetelo wo wa bjale wa gago mong o tsebagatša se o ka bego o se dirile nako yeo. Le a bona? Mokgwatetelo wo o o tšeago bjale, o ikwela o ka re o lokile go felela? Go lokile. Ke gare ga gago le Modimo. Ga ke moahlodi. Ke no rwala boikarabelo ka Lentšu. Le a bona? O mo ka dikopanong. Ba tšwela ka ntle ga dikereke, le bona, eupša ba ya ka gare go e rarolla thwi bjale. Yeo ke yohle ya yona. Ba loketše. Gobaneng o nyaka go phela bophelo bja Bokriste bja seripa sa tsela? E ba gore o ema le Modimo, goba o ba kgahlanong le Yena, gore lefase le tsebe mebala ya gago le go tseba mo o emego.

²⁴⁵ Modimo a ba šegofatše ge ba sa ya. Ba ya ka gare, go no swana le, go hwa ntle go bonabeng. Ba ya go fa bophelo bja bona. Ba ya Khalibari. Ba ya go bapolwa go dilo tša lefase, le difešene tša letšatši le la matsaka re phelago ka go lona mo. Ba ya go hwa go

Jesu Kriste, yo Bogona bja Gagwe bo lego thwi mo bjale. Ba ya go hwa ntle go bonabeng, le go tswalwa ka boswa go Jesu Kriste. Modimo a ba šegofatše.

A fao go na le yo mongwe gape a tla tlogo, ge re opelela fase bjale?

Ka tlhokofalo, bonolo, Jesu o a bitša.

O a bitša, O modiradibe, tlaa gae.

Tlaa gae,

A o ka e dira?

Tlaa gae,

Wena yo a lapilego, tlaa gae.

²⁴⁶ Bjale, ka tlhokofalo, Moya wo Mokgethwa o no bonala o le ka pelong ya ka, o no llela ntle. Ke a tseba go ba bantši kua ba o fošago.

O a bitša, O modiradibe, tlaa gae.

²⁴⁷ Go tšwa lebatong la godimo, go tšwa mogohle, elelwang, ke le neela Jesu Kriste. A le tla Mo amogela? Le tla Mo amogela? A o tla dira, kgaetšedi wa ka? A o tla dira, ngwanešu? E tla gomme o dire ya gago . . . o mpshafatše keno ya gago bošego bjo le go dira kholofetšo ya gore o tla Mo direla.

²⁴⁸ Gomme le a tseba gore nka be ke se ka ema mo, ke bolela seo, ge ke se ka fase ga go hlatha. Yo mongwe o hwetša pitšo ya bona ya mafelelo. Bjale, go a leša dihlong go gogela batho ntle, bao ba sa amogelego. Re lemoga seo. Eupša ke—ke dihlong, go e bona ka tsela ye, eupša ke a thank a e swanetše go ba ka tsela yeo. Ka gare ga ka, feela se sengwe se nkeilela godimo. Bjale a . . .

²⁴⁹ E nong go ntumelela go le laetša se sengwe. Lebelelang mo, feela go no le laetša O sa le mo. Batho ba ba babjago le go hloka.

²⁵⁰ Ke lebeletše thwi go motho mo yo a lahlegetšwego ke sekwi sa bona sa go dupa, o dutše thwi mo, mosadi. O rapela ka sona thwi nako ye. Ge yeo e le nnete, mohumagadi, phagamišetša seatla sa gago godimo ge yeo e le nnete.

²⁵¹ Mo go dutše mosadi wa go tšofala, o dutše thwi ka mafelelong. O sa tšwa go tla ka nageng ye lehono. O tšwa Georgia. O na le sekutu se segolo se setona ka gare ga gagwe. Ke se sebe kudu go tloga. O tla dumela, a ka kgona go fodišwa. O sa tšwa go tla. Gomme leina la gagwe ke Mohumagatšana Turner. O tla dumela ka pelo ya gago yohle bjale, Jesu Kriste o tla go dira o welwe ke maruru. O a e dumela?

²⁵² O dumela ka go Modimo? A o mosetsebjje? Ga o na le karata ya thapelo, a o nayo? O sa tšwa go tla ka gare lehono. Yo mongwe o tlile gomme a go tšea. O tlile tlase mo go tšwa nageng ya godimo ka Georgia. O a dumela bjale gore—gore Modimo . . . Morwago o tlile gomme a go tšea. Go lokile. Bjale, o a tseba ga go kgonege ka go felela go nna go tseba seo, ka gore o sa tšwa go tla ka gare

feela lebakana la go feta, le go dula fase mo. Ge yeo e le nnete, phagamišetša seatla sa gago godimo. Le a bona?

253 Bjale, wa go swana Moya wo Mokgethwa wo o bolelago seo, o sa tšwa go pompa kgahlanong le batho thwi mo. Le a bona? O tsebišitšwe, magagešo. O se ke, o se ke wa dira seo. O se ke. O—o dira phošo ye kgolo. Ke a le rata. Elelwang, le tla go nkwa. Ke leboga seo. Lerato le a phošolla.

254 O bone segotlane sa gago ntle mo ka mokgotheng, a o ka re, wa no re, “Junior, ga wa swanela go dira seo?” O tla ya ka ntle, wa mo dira a dule ka gare, ge o mo rata.

255 Lerato le a phošolla, e sego go go phaphatha. Ke swanetše go le omanya. Elelwang, ebile ke meneelo ya lena le dilo, ye e patelelago kopano ye, le go e dira e kgonege go ba mo. A ke a le rata? Ka pelo ya ka yohle.

256 Kgaetšedi, o ka no nagana bjale ke na le se sengwe kgahlanong le wena, go dilo tšeo o di dirago. Ga se gore ke na le se sengwe kgahlanong le wena, kgaetšedi. Ke lerato la ka la bomodimo go wena.

257 Yo mongwe o rile, “Ge o be o le yo mofsamofsa ga nnyane ga nthathana, o be o ka se nagane seo.” Ke naganne se ge ke be ke le mengwaga ye lesomenne bokgale. Beibele e bolela bjalo. Ke selo sa go swana.

258 Le se ke la dira phošo yeo. Le se ke la tshepa go bolela ka maleme go ba Moya wo Mokgethwa. Moya wo Mokgethwa o bolela ka maleme, eupša le se ke la tshepa seo le go dira dilo tše ba di dirago, go bina ka Moya, mohuta wa maikutlo. Kriste ke Motho. Ka nnete. Ge . . . Gomme Ke Lentšu. Gomme ge A le ka kua, ka mehla O dira Lentšu la Gagwe go šoma feela tlwa ka tsela ye Le swanetšego go dira. Ge o Le gana, e ka ba bjang Kriste?

Tlaa gae, tlaa.

259 Mojako o sa bulegile. Elelwang, Kahlolong, ga ke ne molato.

Wena yo a lapilego . . .

260 Jesu Kriste o tsebagatšwa magareng ga lena, o netefatša woo, Moya woo o swanago. O rile, “Ka matsatšing a ge Morwa wa motho a tla utollwa.” O a swana maabane, lehono, yena Jesu wa go swana yo a dutšego ka maoto a ditšhila. A A ka thekga moikaketši? A A ka thekga yo mongwe yo a bego a sa tsebe Lentšu la Gagwe? Bjo ke boitsebišo ge O tseba Lentšu. Ke le botša Therešo. Le se e fete.

Tlaa gae.

261 Nako ya mafelelo. O eme mo, o loketše go kopana le wena. Dikamora, go dikamora tše ntši ka kua. Batho ba khunamile, mogohle.

Wena yo a lapilego, tlaa gae.

Modimo e ba le kgaogelo, e ba le kgaogelo. A ga le kwe woo a nyamišwa bjale?

Ka tlhokofalo, bonolo, Jesu o a bitša;
O a bitša, O modiradibe, tlaa gae.

Tlaa gae, tlaa gae.

Modimo a go šegofatše, monna yo mofsa. Go ema mogogolo.

. . . tlaa gae;
Ka tlhokofalo, bonolo, Jesu o a bitša;
O a bitša, O mo- . . .

²⁶² Modiradibe ke eng? E sego bona ba ba kgogago. Go kgoga ga se sebe. Go nwa ga se sebe. Go rogana ga se sebe. Go dira bommalegogwana ga se sebe. Aowa, aowa. Ke ditholwanakgopolo tša go se dumele. O dira seo ka gore ga o modumedi.

²⁶³ Fao go tše pedi feela: se tee, o modumedi, goba ga o modumedi. Ge o se modumedi, ga go kgathale o wa bodumedi bjang, o sa no ba modiradibe. O sa no ba modiradibe, ge o sa amogele Lentšu le lengwe le le lengwe la Beibele yela, Lentšu le lengwe le le lengwe la Yona. “Ka gore mmogo magodimo le lefase di tla feta go tloga, eupša ga go khutlo e tee goba thaetlele e tee go tšwa go Leo.” Gomme re tla fa mabaka a lona.

²⁶⁴ O re, “Gabotse, ke nna wa kereke. Batho ba ka ga ba . . .” Seo ga se tshwenye. “Ke dira se.” Ga ke tshwenyege se o se dirilego.

²⁶⁵ E ba gore o modumedi goba modiradibe. Seo ke sa go tia botse. Eupša ke no bolela se, ka gore, yo Motee wa go swana yo a tsebago dipelo tša lena o mpotša gore ke se bolele.

²⁶⁶ A le feditše? Ke bona ba babedi gape ba a tla. Ke nno letela, ka gore ga ke tsebe ge go ka ba yo mongwe gape, feela mosadi yo motee. Gobaneng o sa no tla, wa tsena ka gare ge meetse a sa huduegile bjale? E ba selo se segolo, feela ka metsotsong e se mekae, morago mo. E tla, a o ka se ke? Phagamela godimo go tšwa fao.

²⁶⁷ Dira keno ya gago go Modimo, “Morena Modimo, ntebelele se ke se dirilego. Ke a Go tshepiša. Ke rile ke be ke le Mokriste. Eupša, Morena, go na le se Sengwe ka go nna, se a mpotša ke—ke—ke ahlotšwe thwi bjale ka Bogoneng bja yo Motee yo a itsebišago ka Boyena bjalo ka Morena Jesu Kriste. Ke ahlotšwe, thwi ka pelong ya ka mong. Gomme ke tseba seo, ka mo, go dira se go ba molaleng, ke ahlotšwe. Ke ya ka gare, go lokiša se, thwi bjale. Ke tla holofetša Modimo, thwi mo, gore, go tloga bošego bjo go ya pele, ke tla phelela Yena ka go felela.” A o ka se dire seo? Go lokile.

²⁶⁸ Ge, ge e le bohle, bjale a re emeleng godimo, lena ntle fao, motsotso feela. Ke duma ge nka opela. Ke rata go opela pina yela.

Ntebalele, Morena, le go nteka nako ye tee gape.

Ke tla ba wa Gago, morategi Morena, ge O ka ba wa ka.

Ge ke ewa, goba ge ke palelwa, a nke ke tsoge gomme ke leke gape.

Ntebalele, Morena. Nteke nako e tee gape.

²⁶⁹ Ke ba bakae ntle mo bjale ke Bakriste, gomme o a dumela gore o kgwapareditšwe ka go Kriste, gomme o loketše Kahlolo ye e tlogo? Gomme o tla kgona, gore, ge phalafala e lla, go ka se be le selo se tee go dira eupša o tla tšeelwa go tloga? E tla direga ka pela kudu, o ka se be le nako ya go dira selo gape, “Ka nakwana, ka go ponya ga leihlo.” E tla ba eng, le tee la matsatši a? Go ka re ge o le fošitše kua, go ya go ile, Bokagosafelego, go ya go ile, go ile, go ile? Nako ye nnyane ye ya maipshino a lefase e tla ra eng? Lefeela.

²⁷⁰ Bjale, ke a nagana rena bohle re swanetše go gafela maphelo a rena, ntle mo, go Kriste. A ga le nagane bjalo? Ke ba bakae ba ratago go gafela gape maphelo a lena godimo ga se, bošego bjo? Ke tla ikgafela gape ka bonna, thwi bjale. Morena. . . Bjale nagana ka . . . sebe se se go nyamišago ke eng, gomme a re nong go phagamiša diatla tša rena go Morena, yo mongwe le yo mongwe, ka tsela ya gago mong.

²⁷¹ Elelwang, ke motlalagohle. Ge fao mohlomongwe go le makgolo a lesomeseswai goba dikete tše pedi ba rapela ka mo, go na le dimilione di a rapela go dikologa lefase ka nako ya go swana, gomme O kwa yo mongwe le yo mongwe wa bona. Ga go le ge e ka ba phorogohlo e ka welago ka mokgotheng, eupša ye A e tsebago. O tseba sephiri se sengwe le se sengwe sa pelo ya gago.

²⁷² A re rapeleng bohle bjale ka tsela ya rena beng, go no ikgafela ka borena go Kriste.

²⁷³ Morena Jesu, ke . . . Bogona bja Gago e bile bjo bogolo kudu, feela dinakwana di se kae tša go feta, go fihla ke sa kgone le go swara mohemo wa ka. Go bonagatše o ka re ke be ke eya go tloga. Gomme ke a tseba gore go na le lebaka le O nyakago se se dirwa ka tsela ye. Ga—ga ke le kwešiše, eupša O a dira, Morena. O Modimo. Eupša O itsebagaditše ka Bowena gabotse. O mo. Re dumela Wena. Re a tseba O mo.

²⁷⁴ Gomme mo ka moagong, ke makgolo a diatla godimo. Re ikgafela ka borena ka boswa.


²⁷⁵ Morena, godimo ga phuluphithi ye moo ke rerilego, le go bona Wena o eme mo o itsebiša ka Bowena beke ye, ke—ke—ke itlhwekiša ka bonna. Ke ikgafela ka bonna ka boswa go tirelo ya Gago. Ntebalele dipelaelo tšohle tša ka ka go lapa. Gomme—gomme—gomme, Modimo, e no ntšeela ka matsogong a Gago.

²⁷⁶ Tšea rena bohle, Morena. Re rwale go tšwa go pelaelo ye ya lefase, le dilo tše tša lefase, Morena, gore re tla hlwekišwa ka go felelela, bahlanka ba go ikgafa ba Morena Jesu Kriste. E fe, Tate. Re kwe bošego bjo.

²⁷⁷ Šegofatša bale morago kua, ba nyakago kolobetšo ya Moya wo Mokgethwa. A nke fao go tle modumo gape go tšwa Legodimong, bjalo ka ya go kitima, phefo ye maatla. A nke o tlatše motho yo mongwe le yo mongwe ka mo, ka Mollo go tšwa go aletara ya Modimo. E fe, Morena.

²⁷⁸ Re tumiša Wena. Re fa Wena ditebogo le tumišo ka go—ka go re amogela. Re fa Wena ditebogo le tumišo ka batho ba Gago. Re tumiša Wena ka gore O rile, “Ge re ka ipolela dibe tša rena, Modimo o lokile go re lebalela tšona.” E fe, Morena, gore bohle re tla lebalelwa. Gomme gosasa re tla bona kopano ye kgolokgolo ya phodišo naga ye e kilego ya e bona, ka baka la boipolelo bja rena. E fe, Morena. Re itlhwekiša ka borena go Wena, go la Jesu Kriste Leina. Amene.

Tlaa, Ngwanešu Cox.

²⁷⁹ E nong go itlhwekiša ka bolena go Modimo, karolo ye nngwe le ye nngwe ka mo. Ke ya go kgopela Ngwanešu Cox bjale, yo motee wa badiša ba lena mo, tšwetšang pele thapelo. 

JESU O BOLOKA DIPEELANO TŠOHLE TŠA GAGWE NST64-0418E
(Jesus Keeps All His Appointments)

Molaetša wo ka Ngwanešu William Marrion Branham, setlogong o abilwe ka Seisimane ka Mokibelo mantšiboa, Aporele 18, 1964, ka Otithoriamo ya McKay ka Tampa, Florida, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho phetolelo e ngwadilwe gomme ya phatlalatšwa ke Voice of God Recordings.

NORTH SOTHO

©2018 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org

Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org